



10 хонгс тугийн хэвлэл
1991 оны 08 дугаар сарын 25
№32 /653/

ТӨРИЙН МЭДЭЭЛЭЛ

МОНГОЛ УЛСЫН ИХ ХУРЛЫН АЛБАН МЭДЭЭЛЭЛ

Монгол Улсын
хууль

1210

**Гадаадын иргэний эрх зүйн
байдлын тухай**

Монгол Улсын
хууль

1234

**Захиргааны хариуцлагын тухай
хуульд өөрчлөлт оруулах тухай**

Монгол Улсын
дасгийн газрын
тогтоол

1236

**Өмнийн говийн бүсийн хөгжлийн
зөвлөл байгуулах тухай**

**ГАРЧИГ****МОНГОЛ УЛСЫН ХУУЛЬ**

276.	Санхүүжилтийн болон хөгжлийн зээлийн шинэчилсэн хэлэлцээр соёрхон батлах тухай	1209
277.	Санхүүжилтийн хэлэлцээр соёрхон батлах тухай	1210
278.	Гадаадын иргэний эрх зүйн байдлын тухай	1210
279.	Гадаадын иргэний эрх зүйн байдлын тухай хууль хүчингүй болсонд тооцох тухай	1233
280.	Захиргааны хариуцлагын тухай хуульд өөрчлөлт оруулах тухай	1234
281.	Монгол Улсын Засгийн газрын тухай хуульд нэмэлт оруулах тухай	1234
282.	Байгаль орчныг хамгаалах тухай хуульд нэмэлт оруулах тухай	1235
283.	Харилцаа холбооны тухай хуульд нэмэлт, өөрчлөлт оруулах тухай	1235

МОНГОЛ УЛСЫН ЗАСГИЙН ГАЗРЫН ТОГТООЛ

284.	Өмчийн говийн бүсийн хөгжлийн зөвлөл байгуулах тухай	Дугаар 124	1236
285.	Журам батлах тухай	Дугаар 125	1239
286.	Жагсаалт батлах тухай	Дугаар 127	1242
287.	Ой гэмдэглэх тухай	Дугаар 131	1245
288.	Ой гэмдэглэх тухай	Дугаар 132	1246
289.	Нэрэмжит болгох тухай	Дугаар 133	1248

МОНГОЛ УЛСЫН ХУУЛЬ

2010 оны 07 дугаар сарын 07-ны өдөр

Улаанбаатар хот

**САНХҮҮЖИЛТИЙН БОЛОН ХӨГЖЛИЙН
ЗЭЭЛИЙН ШИНЭЧИЛСЭН ХЭЛЭЛЦЭЭР
СОЁРХОН БАТЛАХ ТУХАЙ**

1 дүгээр зүйл. Монгол Улсын Засгийн газар, Олон улсын Хөгжлийн Ассоциаци хооронд байгуулсан "Малын индексжүүлсэн даатгал



төслийн нэмэлт санхүүжилт” төслийн Санхүүжилтийн хэлэлцээр, “Малын индексжүүлсэн даатгалын төсөл”-ийн Хөгжлийн зээлийн шинэчилсэн хэлэлцээрийг Монгол Улсын Засгийн газрын өргөн мэдүүлснээр соёрхон баталсугай.

**МОНГОЛ УЛСЫН
ИХ ХУРЛЫН ДАРГА**

ДДЭМБЭРЭЛ

МОНГОЛ УЛСЫН ХУУЛЬ

2010 оны 07 дугаар
сарын 07-ны өдөр

Улаанбаатар
хот

**САНХҮҮЖИЛТИЙН ХЭЛЭЛЦЭЭР
СОЁРХОН БАТЛАХ ТУХАЙ**

1 дүгээр зүйл. Монгол Улсын Засгийн газар, Олон улсын Хөгжлийн Ассоциаци хооронд байгуулсан “Эрчим хүчний төслийн нэмэлт санхүүжилт” төслийн Санхүүжилтийн хэлэлцээрийг Монгол Улсын Засгийн газрын өргөн мэдүүлснээр соёрхон баталсугай.

**МОНГОЛ УЛСЫН
ИХ ХУРЛЫН ДАРГА**

ДДЭМБЭРЭЛ

МОНГОЛ УЛСЫН ХУУЛЬ

2010 оны 07 дугаар
сарын 08-ны өдөр

Улаанбаатар
хот

ГАДААДЫН ИРГЭНИЙ ЭРХ ЗҮЙН БАЙДЛЫН ТУХАЙ

/Шинэчилсэн найруулга/

**НЭГДҮГЭЭР БҮЛЭГ
НИЙТЛЭГ ҮНДЭСЛЭЛ**

1 дүгээр зүйл. Хуулийн зорилт

1.1. Энэ хуулийн зорилт нь гадаадын иргэний эрх зүйн байдлыг тогтоож, гадаадын иргэн Монгол Улсад орох, гарах, дамжин өнгөрөх, оршин суухтай холбогдсон харилцааг зохицуулахад оршино.

2 дугаар зүйл. Гадаадын иргэний эрх зүйн байдлын тухай хууль тогтоомж

2.1. Гадаадын иргэний эрх зүйн байдлын тухай хууль тогтоомж



нь Монгол Улсын Үндсэн хууль,¹ энэ хууль болон эдгээртэй нийцүүлэн гаргасан хууль тогтоомжийн бусад актаас бүрдэнэ.

2.2 Монгол Улсын олон улсын гэрээнд энэ хуульд зааснаас өөрөөр заасан бол олон улсын гэрээний заалтыг дагаж мөрдөнө.

3 дугаар зүйл.Хуулийн үйлчлэлд хамаарах этгээд

3.1.Энэ хуулийн заалт нь Монгол Улсын нутаг дэвсгэрээр дамжин өнгөрөгч, тус улсад түр ирэгч, албан болон хувийн хэргээр оршин суугч гадаадын иргэн /цаашид "гадаадын иргэн" гэх/, гадаадын иргэнийг уригчид хамаарна.

3.2.Хуульд өөрөөр заагаагүй бол гадаадын иргэнд хамаарах энэ хуулийн зохицуулалт нь харьяалалгүй хүнд нэгэн адил үйлчилнэ.

4 дүгээр зүйл.Дипломат төлөөлөгчийн болон консулын газрын ажилтны дипломат эрх ямба, дархан эрх

4.1.Энэ хуулийн заалт нь гадаад улсын дипломат төлөөлөгчийн болон консулын газар, Нэгдсэн Үндэстний Байгууллага /цаашид "НҮБ" гэх/, түүний төрөлжсөн байгууллагын суурин төлөөлөгчийн газрын ажилтны дипломат эрх ямба, дархан эрхийг хөндөхгүй.

5 дугаар зүйл.Хуулийн нэр томъёоны тодорхойлолт

5.1.Энэ хуульд хэрэглэсэн дараахь нэр томъёог дор дурдсан утгаар ойлгоно:

5.1.1."гадаадын иргэн" гэж Монгол Улсын иргэний харьяалалгүй бөгөөд гадаад улсын иргэний харьяалалтай хүнийг;

5.1.2."уригч" гэж гадаадын иргэнийг Монгол Улсад оршин суухад шаардагдах хөрөнгийн эх үүсвэрийн баталгааг гаргаж түүнийг урьсан Монгол Улсын иргэн, аж ахуйн нэгж, байгууллага болон тус улсад хууль ёсоор 90 хоногоос дээш хугацаагаар оршин суугаа гадаадын иргэнийг;

5.1.3."дамжин өнгөрөгч" гэж Монгол Улсын нутаг дэвсгэрээр дамжин нэг улсаас нөгөө улсад зорчиж байгаа гадаадын иргэнийг;

5.1.4."түр ирэгч" гэж Монгол Улсад 90 хүртэл хоногийн хугацаагаар ирсэн гадаадын иргэнийг;

5.1.5."хувийн хэргээр оршин суугч" гэж суралцах, хөдөлмөр эрхлэх, хөрөнгө оруулах, гэр бүлийн шалтгаан болон хувийн бусад ажлаар Монгол Улсад 90 хоногоос дээш хугацаагаар ирсэн гадаадын иргэнийг;

¹Монгол Улсын Үндсэн хууль –Төрийн мэдээлэл” эмхтгэлийн 1992 оны 1 дугаарт нийтлэгдсэн.



5.1.6. "албан хэргээр оршин суугч" гэж төрийн байгууллагын урилгаар болон Монгол Улсад суугаа гадаад улсын дипломат төлөөлөгчийн болон консулын газар, Засгийн газар хоорондын эрх бүхий байгууллага, НҮБ, түүний төрөлжсөн байгууллагын суурин төлөөлөгчийн газар, түүнчлэн гадаад улсын болон олон улсын хэвлэл, мэдээллийн төлөөлөгчийн газарт ажиллахаар Монгол Улсад 90 хоногоос дээш хугацаагаар ирсэн гадаадын иргэн, түүний гэр бүлийн гишүүнийг;

5.1.7. "харьяалалгүй хүн" гэж аль ч улсын харьяат бус хүнийг;

5.1.8. "цагаач" гэж Монгол Улсын эрх бүхий байгууллагаас цагаачлан оршин суух зөвшөөрөл авсан гадаадын иргэн, харьяалалгүй хүнийг;

5.1.9. "паспорт" гэж олон улсын эрх бүхий байгууллага, түүнчлэн гадаад улсын болон Монгол Улсын Засгийн газраас олгосон буюу хүлээн зөвшөөрсөн олон улсад зорчих баримт бичгийг;

5.1.10. "паспортыг орлох баримт бичиг" гэж Монгол Улсын хууль, олон улсын гэрээгээр паспорттай адилтган үзэхээр хүлээн зөвшөөрсөн, тухайн хүнийг гадаад улсын иргэн болохыг гэрчилж байгаа баримт бичгийг;

5.1.11. "Монгол Улсын виз" гэж гадаадын иргэнд Монгол Улсын хилээр нэвтрэх эрх олгосон зөвшөөрлийн хуудсыг;

5.1.12. "визийн зөвшөөрөл" гэж гадаадын иргэний асуудал эрхэлсэн төрийн захиргааны байгууллага, эсхүл гадаад харилцааны асуудал эрхэлсэн төрийн захиргааны төв байгууллагаас гадаад улсад суугаа Монгол Улсын дипломат төлөөлөгчийн газарт гадаадын иргэнд виз олгохыг зөвшөөрч олгосон баримт бичгийг;

5.1.13. "лесе пасе" гэж НҮБ-ын Эрх, Дархын тухай Конвенцийн 7 дугаар зүйлд заасны дагуу НҮБ-ын ажилтан, албан тушаалтанд тус байгууллагаас олгосон олон улсад зорчих баримт бичгийг.

ХОЁРДУГААР БҮЛЭГ ГАДААДЫН ИРГЭНИЙ ЭРХ ЗҮЙН БАЙДАЛ

6 дугаар зүйл. Гадаадын иргэний эрх, үүргийн үндсэн зарчим

6.1. Монгол Улсын нутаг дэвсгэрт байгаа гадаадын иргэний эрх, үүргийг тухайн иргэнийг харьяалсан улстай энэ талаар харилцан адил байх зарчмыг баримтлан Монгол Улсын хуулиар тодорхойлно.

7 дугаар зүйл. Гадаадын иргэний эрх, үүргийн онцлог

7.1. Монгол Улсын тусгаар тогтнол, үндэсний аюулгүй байдлыг хангах, нийгмийн хэв журмыг хамгаалах зорилгоор хүний салшгүй



эрхээс бусад эрхийн хувьд гадаадын иргэний эрх, эрх чөлөөнд хуулиар хязгаарлалт тогтоож болно.

7.2.Гадаадын иргэн энэ хуулийн 7.1-д заасны дагуу хуулиар хязгаарласнаас бусад тохиолдолд Монгол Улсын иргэний нэгэн адил эрх, эрх чөлөөг эдэлж, үүрэг хүлээнэ.

7.3.Гадаадын иргэн Монгол Улсын нутаг дэвсгэрт дараахь эрхийг эдэлнэ:

7.3.1.энэ хууль болон бусад хууль тогтоомжид заасны дагуу Монгол Улсад нэвтрэх, оршин суух;

7.3.2.улсын онц чухал объектод Засгийн газрын зөвшөөрснөөр ажиллах;

7.3.3.улс төрийн орогнол хүсэх;

7.3.4.хууль тогтоомжид заасан бусад эрх.

7.4.Гадаадын иргэн Монгол Улсын нутаг дэвсгэрт дараахь үүрэг хүлээнэ:

7.4.1.Монгол Улсын Үндсэн хууль болон бусад хууль тогтоомжийг сахин биелүүлж, Монголын ард түмний уламжлал, зан заншлыг хүндэтгэх;

7.4.2.энэ хуулийн 24, 26 дугаар зүйлд заасны дагуу бүртгүүлэх;

7.4.3.Монгол Улсын хууль тогтоомжид заасан татвар төлөх;

7.4.4.Монгол Улсад зөвхөн эрх бүхий байгууллагаас олгосон Монгол Улсын виз, оршин суух зөвшөөрлийн хугацаанд байх, Монгол Улсын олон улсын гэрээнд өөрөөр заагаагүй бол уг хугацаандаа буюу эрх бүхий байгууллагын шаардсанаар тус улсаас гарах;

7.4.5.паспорт болон Монгол Улсын эрх бүхий байгууллагаас олгосон оршин суух үнэмлэхийг биедээ авч явах;

7.4.6.хууль тогтоомжид заасан бусад үүрэг.

7.5.Гадаадын иргэн Монгол Улсын зэвсэгт хүчин, бусад цэрэгт алба хаах үүрэг хүлээхгүй.

8 дугаар зүйл.Гадаадын иргэнд хориглох зүйл

8.1.Гадаадын иргэнд Монгол Улсын нутаг дэвсгэрт дараахь үйл ажиллагаа явуулахыг хориглоно:

8.1.1.Монгол Улсын хууль тогтоомж болон олон улсын гэрээнд заасан эрх, эрх чөлөөгөө эдлэхдээ Монгол Улсын эрх ашиг, тус улсын иргэний болон бусад хүний эрх, хууль ёсны ашиг сонирхолд харш үйлдэл хийх;

8.1.2.Монгол Улсын Ерөнхийлөгч, Улсын Их Хурлын болон орон нутгийн хурлын сонгуульд сонгох, сонгогдох, ард нийтийн санал асуулгад оролцох;



8.1.3.Монгол Улсын нутаг дэвсгэрт улс төрийн үйл ажиллагаа явуулах байгууллага байгуулах, түүнд элсэн орох, хөрөнгө, санхүүгийн дэмжлэг үзүүлэх зэргээр улс төрийн аливаа үйл ажиллагаа явуулах;

8.1.4.тус улсын үндэсний эв нэгдлийн эсрэг сурталчилгаа явуулах, үндэсний зан заншилд хохирол учруулж болох хүмүүнлэг бус шашны урсгал, хүчирхийллийн аливаа хэлбэр, садар самуун, мансууруулах бодисыг сурталчлах, түгээн дэлгэрүүлэх, хэрэглэх;

8.1.5.хууль тогтоомж, эрх бүхий байгууллага, албан тушаалтны шийдвэрээр зөвшөөрөлтэй эрхлэхээр заасан үйл ажиллагааг зөвшөөрөлгүй явуулах;

8.1.6.Монгол Улсын виз, оршин суух, бүртгүүлэх журам зөрчих, эрх бүхий байгууллагын зөвшөөрөлгүйгээр хөдөлмөр эрхлэх, шилжин суурьших;

8.1.7.хууль тогтоомжид заасан бусад үйл ажиллагаа.

ГУРАВДУГААР БҮЛЭГ ТӨРИЙН БАЙГУУЛЛАГА, АЛБАН ТУШААЛТНЫ БҮРЭН ЭРХ, АЖ АХУЙН НЭГЖ, ИРГЭНИЙ ҮҮРЭГ

9 дүгээр зүйл.Төрийн байгууллага, албан тушаалтны бүрэн эрх

9.1.Монгол Улсад эрхэмлэн дээдэлдэг үзэл санааны төлөө хавчигдан мөшгөгдсөн гадаадын иргэнд Монгол Улсын Ерөнхийлөгч тус улсад орогнох эрх олгоно.

9.2.Монгол Улсын Засгийн газар гадаадын иргэний асуудлаар дараахь бүрэн эрхийг хэрэгжүүлнэ:

9.2.1.Монгол Улсын виз болон чөлөөт бүсэд виз олгох журмыг батлах;

9.2.2.гадаадын иргэн Монгол Улсад оршин суух болон түүнийг бүртгэх журмыг батлах;

9.2.3.гадаадын иргэнийг Монгол Улсаас албадан гаргах болон Монгол Улсад дахин оруулахгүй байх хугацааг тогтоох журмыг батлах.

9.2.4.хуульд заасан бусад бүрэн эрх

9.3. Хууль зүйн асуудал эрхэлсэн Засгийн газрын гишүүн гадаадын иргэний асуудлаар дараахь бүрэн эрхийг хэрэгжүүлнэ:

9.3.1.гадаадын иргэн Монгол Улсад оршин суух, харьяалалгүй хүн зөрчих үнэмлэхийн загвар, тэдгээрийг эзэмших, хадгалах, ашиглах журмыг батлах;



9.3.2 гадаадын иргэний хяналтын улсын байцаагчийн ёс зүйн болон сахилгын дүрмийг батлах;

9.3.3 гадаадын иргэний мэдээллийн нэгдсэн сан бүрдүүлэх, мэдээлэл харилцан солилцох журмыг батлах.

9.3.4 энэ хуулийн 36.5-д заасан барьцаа гаргах, буцаан олгох, барьцааны хэмжээ тогтоох журмыг батлах;

9.3.5 хуульд заасан бусад бүрэн эрх.

9.4 Гадаад харилцааны асуудал эрхэлсэн Засгийн газрын гишүүн гадаадын иргэний асуудлаар дараахь бүрэн эрхийг хэрэгжүүлнэ:

9.4.1 хууль зүйн асуудал эрхэлсэн Засгийн газрын гишүүнтэй зөвшилцсөнөөр гадаад улсад суугаа Монгол Улсын дипломат төлөөлөгчийн газарт хууль зүйн атташег томилох, чөлөөлөх;

9.4.2 хуульд заасан бусад бүрэн эрх.

9.5 Гадаадын иргэний асуудал эрхэлсэн төрийн захиргааны байгууллагын дарга дараахь бүрэн эрхийг хэрэгжүүлнэ:

9.5.1 гадаадын иргэний эрх зүйн байдлын тухай хууль тогтоомж, дүрэм, журмын биелэлтийг зохион байгуулах;

9.5.2 Монгол Улсын харьяат хүүхдийг үрчлэх хүсэлт гаргасан гадаадын иргэнтэй ярилцлага хийх журмыг батлах;

9.5.3 гадаадын иргэнийг Монгол Улсаас гарахыг түдгэлзүүлэх, гарахыг түдгэлзүүлэхийг хүчингүй болгох тухай шийдвэр гаргах, түүнийг хэрэгжүүлэх журмыг батлах;

9.5.4 гадаадын иргэнд Монгол Улсад хувийн хэргээр зорчих урилга олгох журмыг батлах;

9.5.5 хуульд заасан бусад бүрэн эрх.

9.6 Аймаг, дүүргийн Засаг дарга харьяалах сум, хороонд нь оршин суугаа гадаадын иргэний хаягийн бүртгэлийн мэдээг нэгтгэн хагас жил тутам гаргаж гадаадын иргэний асуудал эрхэлсэн төрийн захиргааны байгууллагад өгөх үүрэгтэй.

9.7 Сум, хорооны Засаг дарга гадаадын иргэний асуудлаар дараахь эрх, үүрэгтэй:

9.7.1 нутаг дэвсгэртээ оршин суугаа гадаадын иргэний хаягийн бүртгэл хөтлөх;

9.7.2 гадаадын иргэний оршин суугаа газрын талаар тодорхойлолт гаргах;

9.7.3 гадаадын иргэн гэмт хэрэг, зөрчилд холбогдохоос урьдчилан сэргийлэх арга хэмжээ авах талаар холбогдох байгууллага, албан тушаалтантай хамтран ажиллах;

9.7.4 хуульд заасан бусад эрх, үүрэг.

10 дугаар зүйл. Гадаадын иргэнийг уригч иргэн, аж ахуйн нэгж, байгууллагын хүлээх үүрэг

10.1 Гадаадын иргэнийг Монгол Улсад 30 хоногоос дээш хугацаагаар урьсан иргэн, аж ахуйн нэгж, байгууллага дараахь үүрэг хүлээнэ:



10.1.1.гадаадын иргэнийг хууль тогтоомжид заасны дагуу холбогдох байгууллагад бүртгүүлэх;

10.1.2.гадаадын иргэн Монгол Улсад оршин суухад шаардагдах хөрөнгийн эх үүсвэрийн баталгаа гаргах;

10.1.3.Монгол Улсын виз, оршин суух зөвшөөрлийнх нь хугацаанд гадаадын иргэнийг буцаах.

10.2.Энэ хуулийн 10.1.2-т заасан баталгааны төрөл, хэлбэр, тэдгээрийг мэдүүлэхтэй холбогдсон харилцааг энэ хуулийн 9.2.2-т заасан журмаар зохицуулна.

ДӨРӨВДҮГЭЭР БҮЛЭГ МОНГОЛ УЛСЫН ВИЗ

11 дүгээр зүйл.Монгол Улсын виз

11.1.Монгол Улсын олон улсын гэрээнд өөрөөр заагаагүй бол Монгол Улсад нэвтрэх гадаадын иргэн Монгол Улсын виз (цаашид "виз" гэх)-ийг зохих журмын дагуу авсан байна.

11.2.Визийг хүчин төгөлдөр паспорт буюу паспортыг орлох баримт бичигтэй гадаадын иргэнд олгоно.

11.3.Визийг хавсралт хуудсаар олгож болно.

11.4.Виз нь дипломат, албан, энгийн гэсэн зэрэгтэй байна.

11.5.Виз нь орох, гарах-орох, дамжин өнгөрөх зориулалттай, Монгол Улсын хилээр нэвтрэх зорилгыг агуулсан ангилалтай, нэг, хоёр, олон удаагийн гэсэн төрөлтэй байна.

11.6.Гадаадын иргэн виз авсан нь түүнийг Монгол Улсад нэвтрүүлэх баталгаа болохгүй.

11.7.Визийн загварыг гадаад харилцааны болон хууль зүйн асуудал эрхэлсэн Засгийн газрын гишүүд хамтран батална.

12 дугаар зүйл.Дипломат зэргийн виз

12.1.Дипломат зэргийн визийг дипломат паспорттай гадаадын иргэн, улаан энгийн лесе лесе бүхий НҮБ-ын ажилтан, албан тушаалтанд олгоно.

12.2.Дипломат зэргийн визийг визийн хуудсан дээр "D" гэсэн латин үсгээр ялгаж тэмдэглэнэ.

13 дугаар зүйл.Албан зэргийн виз

13.1.Албан зэргийн визийг дараахь гадаадын иргэнд олгоно:

13.1.1.албан паспорттай бөгөөд албан хэргээр зорчих, оршин суух гадаадын иргэн, цэнхэр энгийн лесе лесе бүхий НҮБ, түүний төрөлжсөн байгууллагын ажилтан, албан тушаалтан, олон улсын



байгууллагын ажлаар ирэх энгийн паспорттай гадаадын иргэн, түүний гэр бүлийн гишүүн;

13.1.2. тус улсын төр, захиргаа, нутгийн өөрөө удирдах байгууллага, Улсын Их Хуралд суудал бүхий намын урилгаар ирэх албан болон энгийн паспорттай гадаадын иргэн;

13.1.3. Засгийн газар хоорондын гэрээ, хэлэлцээрийн дагуу тус улсад ажиллах албан болон энгийн паспорттай гадаадын иргэн;

13.1.4. гадаад улсын болон олон улсын хэвлэл, мэдээллийн байгууллагын албан болон энгийн паспорттай ажилтан.

13.2. Албан зэргийн визийг визийн хуудсан дээр "А" гэсэн латин үсгээр ялгаж тэмдэглэнэ.

14 дүгээр зүйл. Энгийн зэргийн виз

14.1. Энэ хуулийн 12, 13 дугаар зүйлд зааснаас бусад тохиолдолд гадаадын иргэнд энгийн зэргийн виз олгоно.

14.2. Энгийн зэргийн визийг визийн хуудсан дээр "Е" гэсэн латин үсгээр ялгаж тэмдэглэнэ.

15 дугаар зүйл. Визийн ангилал

15.1. Тухайн гадаадын иргэний хилээр нэвтрэх зорилгыг үндэслэн дараахь ангиллын виз олгоно:

15.1.1. "D" ангиллын визийг энэ хуулийн 12.1-д заасан гадаадын иргэнд;

15.1.2. "A" ангиллын визийг энэ хуулийн 13.1-д заасан гадаадын иргэнд;

15.1.3. "T" ангиллын визийг гадаадын хөрөнгө оруулагч болон гадаадын хөрөнгө оруулалттай аж ахуйн нэгж, түүний салбар, төлөөлөгчийн газарт ажиллах удирдах албан тушаалтанд;

15.1.4. "O" ангиллын визийг төрийн бус байгууллага, олон улсын хүмүүнлэгийн байгууллагын шугамаар ирэх гадаадын иргэнд;

15.1.5. "B" ангиллын визийг ажил хэргийн шугамаар ирэх гадаадын иргэнд;

15.1.6. "S" ангиллын визийг суралцах, мэргэжил дээшлүүлэх болон дадлага, эрдэм шинжилгээ, судалгааны ажил хийх зорилгоор ирэх гадаадын иргэнд;

15.1.7. "J" ангиллын визийг тус улсад жуулчлахаар ирэх гадаадын иргэнд паспортын төрлийг үл харгалзан;

15.1.8. "HG" ангиллын визийг тус улсад хөдөлмөрийн гэрээгээр ажиллах гадаадын иргэнд паспортын төрлийг үл харгалзан;

15.1.9. "SH" ангиллын визийг шашны байгууллагын шугамаар ирэх, оршин суух гадаадын иргэнд паспортын төрлийг үл



харгалзан;

15.1.10. "TS" ангиллын визийг Монгол Улсад цагаачлах зөвшөөрөл авсан гадаадын иргэнд;

15.1.11. "H" ангиллын визийг Монгол Улсад хувийн хэргээр оршин суугчийн гэр бүлийн гишүүн болон хувийн урилгаар ирэх гадаадын иргэнд паспортын төрлийг үл харгалзан.

16 дугаар зүйл. Виз олгох байгууллага

16.1. Визийг дараахь байгууллага олгоно:

16.1.1. гадаад харилцааны асуудал эрхэлсэн төрийн захиргааны төв байгууллага;

16.1.2. гадаадын иргэний асуудал эрхэлсэн төрийн захиргааны байгууллага;

16.1.3. гадаад улсад суугаа Монгол Улсын дипломат төлөөлөгчийн газар, Монгол Улсын өргөмжит консул.

17 дугаар зүйл. Виз олгох байгууллагын бүрэн эрх

17.1. Гадаад харилцааны асуудал эрхэлсэн төрийн захиргааны төв байгууллага виз олгох талаар дараахь бүрэн эрхийг хэрэгжүүлнэ:

17.1.1. энэ хуулийн 15.1.1, 15.1.2-т заасан ангиллын визийг олгох, олгохоос татгалзах, ангиллыг өөрчлөх, хугацааг сунгах, хүчингүй болгох.

17.2. Гадаадын иргэний асуудал эрхэлсэн төрийн захиргааны байгууллага виз олгох талаар дараахь бүрэн эрхийг хэрэгжүүлнэ:

17.2.1. Монгол Улсад түр ирсэн болон хувийн хэргээр оршин сууж байгаа гадаадын иргэнд энэ хуулийн 15.1.3-15.1.11-д заасан ангиллын олон удаагийн, гарах-орох визийг олгох, олгохоос татгалзах, ангиллыг өөрчлөх, хугацааг сунгах, хүчингүй болгох;

17.2.2. тухайн ангиллын виз олгоход шаардагдах баримт бичгийн иж бүрдлийг биедээ авч яваа нөхцөлд Монгол Улсын хилийн боомт дээр гадаадын иргэнд энэ хуулийн 15.1.3-15.1.11-д заасан ангиллын орох, дамжин өнгөрөх виз олгох;

17.2.3. гадаад харилцааны асуудал эрхэлсэн төрийн захиргааны төв байгууллагаас олгосон визийн зөвшөөрлийн дагуу хилийн боомт дээр энэ хуулийн 15.1.1, 15.1.2-т заасан ангиллын визийг гадаадын иргэнд олгох.

17.3. Монгол Улсын дипломат төлөөлөгчийн газар, Монгол Улсын өргөмжит консул нь виз олгох талаар дараахь бүрэн эрхийг хэрэгжүүлнэ:

17.3.1. гадаад харилцааны асуудал эрхэлсэн төрийн захиргааны төв байгууллагаас олгосон визийн зөвшөөрлийн дагуу энэ хуулийн 15.1.4, 15.1.5, 15.1.7-д заасан ангиллын 30 хүртэлх хоногийн виз болон мөн хуулийн 15.1.1, 15.1.2-т заасан ангиллын визийг олгох.



17.3.2 гадаадын иргэний асуудал эрхэлсэн төрийн захиргааны байгууллагаас олгосон визийн зөвшөөрлийн дагуу энэ хуулийн 17.3.1-д зааснаас бусад визийг олгох.

18 дугаар зүйл. Визийн хүчинтэй байх хугацаа

18.1. Монгол Улсын олон улсын гэрээнд өөрөөр заагаагүй бол нэг удаагийн орох виз нь гадаадын иргэн Монгол Улсын хилээр нэвтрэх хүртэл 90 хоногийн хугацаанд хүчинтэй байна.

18.2. Монгол Улсын олон улсын гэрээнд өөрөөр заагаагүй бол түр ирэгчид олгох олон удаагийн визийн хүчинтэй байх хугацаа нь 183 буюу 365 хоног байх бөгөөд түр ирэгчийн Монгол Улсад байх хугацаа нь 30 хоног байна.

18.3. Монгол Улсад албан болон хувийн хэргээр оршин суугч гадаадын иргэнд олгох олон удаагийн визийн хүчинтэй байх хугацаа нь оршин суух зөвшөөрлийн хугацаагаар тодорхойлогдоно.

18.4. Монгол Улсад албан болон хувийн хэргээр оршин суугч гадаадын иргэнд олгосон гарах-орох визийн хүчинтэй байх хугацаа нь Монгол Улсаас гарснаас хойш 180 хүртэл хоног хүчинтэй байна.

18.5. Визийн хуудсан дээр түүний хүчинтэй байх хугацааг нь он, сар, өдөр гэсэн дарааллаар зааж тэмдэглэнэ.

19 дүгээр зүйл. Монгол Улсад байх хугацааг визээр тодорхойлох

19.1. Монгол Улсын олон улсын гэрээнд өөрөөр заагаагүй бол гадаадын иргэн Монгол Улсын хилээр нэвтэрснээс хойш тус улсад байх хугацааг дор дурдсанаар тодорхойлж визэнд заана.

19.1.1. түр ирэгч 90 хүртэл хоног;

19.1.2. дамжин өнгөрөгч 10 хүртэл хоног;

19.1.3. Монгол Улсад албан болон хувийн хэргээр оршин суух гадаадын иргэнд хугацаагүйгээр буюу оршин суух зөвшөөрөл олгох хүртэл.

19.2. Энэ хуулийн 19.1.1-д заасан хугацааг гадаадын иргэний асуудал эрхэлсэн төрийн захиргааны байгууллага нэг удаа 30 хүртэл хоногоор сунгаж болно.

20 дугаар зүйл. Виз, визийн зөвшөөрөл

20.1. Виз, визийн зөвшөөрлийг уригчийн хүсэлт, энэ хуулийн 10.1.2-т заасан баталгааг харгалзан олгоно.

20.2. Уригч нь гадаадын иргэнд дипломат, албан зэргийн виз олгуулах хүсэлтийг гадаад харилцааны асуудал эрхэлсэн төрийн захиргааны төв байгууллагад, энгийн зэргийн виз олгуулах хүсэлтийг



гадаадын иргэний асуудал эрхэлсэн төрийн захиргааны байгууллагад тус тус гаргана.

20.3.Энэ хуулийн 16.1-д заасан виз олгох байгууллага нь Монгол Улсад албан болон хувийн хэргээр оршин суух хүсэлт гаргасан гадаадын иргэнд виз олгох эсэхийг шийдвэрлэхдээ эрүүл мэндийн шяажилгээ хийлгэхийг шаардаж болно.

20.4.Гадаадын иргэнд виз, визийн зөвшөөрөл олгох, визийн хугацааг сунгахаас татгалзсан үндэслэлийн талаар энэ хуулийн 16.1-д заасан байгууллага тайлбар өгөх үүрэг хүлээхгүй.

ТАВДУГААР БҮЛЭГ МОНГОЛ УЛСАД ОРОХ, ДАМЖИН ӨНГӨРӨХ

21 дүгээр зүйл.Монгол Улсад орох

21.1.Монгол Улсын олон улсын гэрээнд өөрөөр заагаагүй бол хүчин төгөлдөр паспорт буюу паспортыг орлох баримт бичигтэй бөгөөд виз авсан гадаадын иргэн хууль тогтоомжид заасан журмын дагуу Монгол Улсад орж болно.

22 дугаар зүйл.Монгол Улсад орохыг үл зөвшөөрөх

22.1 Дараахь үндэслэл байвал гадаадын иргэнийг Монгол Улсад орохыг үл зөвшөөрнө:

22.1.1. 16 насанд хүрээгүй буюу эрх зүйн чадамжгүй гадаадын иргэн хууль ёсны асран хамгаалагч, харгалзан дэмжигчгүй бол;

22.1.2.Монгол Улсад ял шийтгүүлсний дараа тус улсаас гарсан бөгөөд ялгүйд тооцох хугацаа нь дуусаагүй бол;

22.1.3.Монгол Улс тааламжгүй этгээд гэж зарласан бол;

22.1.4.олон улсын хэмжээнд эрэн сурвалжилж байгаа бол;

22.1.5.Монгол Улсын үндэсний аюулгүй байдлыг хангах, нийгмийн хэв журмыг хамгаалахад харшигж байвал;

22.1.6.Монгол Улсад байх, буцаж явах хөрөнгийн эх үүсвэрийн баталгаагүй бол;

22.1.7.энэ хуульд заасан журмын дагуу албадан гаргасан бөгөөд Монгол Улсад орохыг хориглосон хугацаа дуусаагүй бол.

23 дугаар зүйл.Монгол Улсаар дамжин өнгөрөх

23.1.Монгол Улсын олон улсын гэрээнд өөрөөр заагаагүй бол хүчин төгөлдөр паспорт буюу паспортын орлох баримт бичигтэй гадаадын иргэн зохих визтэйгээр Монгол Улсын нутаг дэвсгэрээр дамжин өнгөрч болно.



23.2.Гадаадын иргэн олон улсын нислэгээр Монгол Улсын нутаг дэвсгэрээр визгүйгээр дамжин өнгөрч болно.

ЗУРГАДУГААР БҮЛЭГ ГАДААДЫН ИРГЭН МОНГОЛ УЛСАД ОРШИН СУУХ

24 дүгээр зүйл.Гадаадын иргэнийг бүртгэх

24.1.Монгол Улсад 30 хоногоос дээш хугацаагаар ирсэн түр ирэгч, хувийн хэргээр оршин суугч болон энэ хуулийн 32.2-т заасан гадаадын иргэн тус улсад орж ирсэн өдрөөс хойш ажлын 7 өдрийн дотор гадаадын иргэний асуудал эрхэлсэн төрийн захиргааны байгууллагад бүртгүүлнэ.

24.2.Гадаадын иргэнийг урьсан Монгол Улсын иргэн, аж ахуйн нэгж, байгууллага түүнийг бүртгүүлэх үүргийг хүлээнэ.

24.3.Энэ хуулийн 24.2-т зааснаас бусад тохиолдолд гадаадын иргэн өөрөө бүртгүүлнэ.

24.4.Гадаад улсын дипломат төлөөлөгчийн болон консулын газар, НҮБ, түүний төрөлжсөн байгууллагын суурин төлөөлөгчийн газар, түүнчлэн гадаад улс, олон улсын хэвлэл, мэдээллийн төлөөлөгчийн газарт ажиллах гадаадын иргэн, түүний гэр бүлийн гишүүн Монгол Улсад орж ирсэн өдрөөс хойш ажлын 7 өдрийн дотор гадаад харилцааны асуудал эрхэлсэн төрийн захиргааны төв байгууллагад бүртгүүлнэ.

25 дугаар зүйл.Гадаадын иргэний гэр бүлийн байдлын бүртгэл

25.1.Гадаадын иргэний гэр бүлийн байдлын бүртгэлийг нийслэлд иргэний бүртгэлийн асуудал эрхэлсэн төрийн захиргааны байгууллага, орон нутагт иргэний бүртгэлийн асуудал эрхэлсэн алба эрхлэн явуулж, холбогдох мэдээллийг сар бүр гадаадын иргэний асуудал эрхэлсэн төрийн захиргааны байгууллагад хүргүүлнэ.

26 дугаар зүйл. Гадаадын иргэний хаягийн бүртгэл

26.1.Монгол Улсад хувийн хэргээр болон энэ хуулийн 32.2-т заасан оршин суугч гадаадын иргэн 14 хоногийн дотор сумын Засаг даргын Тамгын газарт, эсхүл хорооны Засаг даргад хаягийн бүртгэл хийлгэнэ.

26.2.Энэ хуулийн 26.1-д заасан гадаадын иргэн оршин суугаа хаягаа өөрчилбөл анх бүртгүүлсэн газартаа мэдэгдэн хасалт хийлгэж, шилжин очсон сумын Засаг даргын Тамгын газарт, эсхүл хорооны Засаг даргад 14 хоногийн дотор хаягийн бүртгэл хийлгэнэ.



27 дугаар зүйл. Монгол Улсад хувийн хэргээр оршин суух

27.1. Монгол Улсад хувийн хэргээр оршин суух зөвшөөрлийг гадаадын иргэний хүсэлт, холбогдох байгууллагын санал, зөвшөөрлийг харгалзан гадаадын иргэний асуудал эрхэлсэн төрийн захиргааны байгууллага 5 хүртэл жилээр олгож, тухай бүр 3 хүртэл жилийн хугацаагаар сунгаж болно.

27.2. Гадаадын иргэнд Монгол Улсад хувийн хэргээр оршин суух зөвшөөрлийг дараахь хэлбэрээр олгоно:

27.2.1. гэр бүлийн шалтгаанаар;

27.2.2. цагаачлах;

27.2.3. хөдөлмөр эрхлэх;

27.2.4. хөрөнгө оруулах;

27.2.5. суралцах, мэргэжил дээшлүүлэх, дадлага, эрдэм шинжилгээ, судалгааны ажил хийх болон хувийн бусад зорилгоор.

27.3. Дараахь тохиолдолд гадаадын иргэнд Монгол Улсад хувийн хэргээр оршин суух зөвшөөрөл олгохоос болон уг зөвшөөрлийн хугацааг сунгахаас татгалзах буюу хүчингүй болгож болно:

27.3.1. тагнуул, цагдаагийн байгууллагын саналыг үндэслэн;

27.3.2. энэ хуульд заасан виз, бүртгэл, оршин суух журмыг 2 буюу түүнээс дээш удаа зөрчсөн;

27.3.3. энэ хуулийн 8 дугаар зүйлд заасан үйл ажиллагааг явуулсан.

27.3.4. виз, эрх бүхий байгууллагаас олгодог аливаа зөвшөөрөл, баримт бичгийг засварласан, хуурамчаар үйлдсэн, бүрдүүлсэн.

27.4. Монгол Улсын нутаг дэвсгэрт хувийн хэргээр оршин суугч гадаадын иргэдийн тоо нь Монгол Улсын харьяат хүн амын гурван хувь, үүний дотор нэг улсын иргэн нэг хувь хүртэл байж болно.

28 дугаар зүйл. Монгол Улсад гэр бүлийн шалтгаанаар оршин суух

28.1. Монгол Улсын иргэнтэй гэр бүл болж гэрлэлтээ бүртгүүлсэн, түүнчлэн хувийн хэргээр оршин суух зөвшөөрөл авсан гадаадын иргэний эхнэр, нөхөр, төрүүлсэн эцэг, эх, хүүхэд нь тус улсад оршин суух хүсэлт гаргавал гадаадын иргэний асуудал эрхэлсэн төрийн захиргааны байгууллага тэдгээрт Монгол Улсад оршин суух зөвшөөрлийг энэ хуулийн 27.1-д заасан хугацаагаар олгоно.

28.2. Энэ хуулийн 27.2.3-27.2.5-д заасан гадаадын иргэний Монгол Улсад оршин суух зөвшөөрлийн хугацаагаар түүний гэр бүлийн гишүүний тус улсад оршин суух зөвшөөрлийн хугацаа тодорхойлогдоно.

28.3. Гэр бүлийн шалтгаанаар оршин суух гадаадын иргэн нь 55



буюу түүнээс дээш настай бол тухайн гадаадын иргэнийг харьяалсан улстай энэ талаар харилцан адил байх зарчмыг баримтлан гадаадын иргэний асуудал эрхэлсэн төрийн захиргааны байгууллага Монгол Улсад оршин суух зөвшөөрлийг хугацаагүйгээр олгож болно.

28.4.Энэ хуулийн 27.3-т зааснаас гадна дараахь тохиолдолд гадаадын иргэний асуудал эрхэлсэн төрийн захиргааны байгууллага гадаадын иргэнд Монгол Улсад гэр бүлийн шалтгаанаар оршин суух зөвшөөрөл олгохоос болон зөвшөөрлийн хугацааг сунгахаас татгалзах буюу хүчингүй болгоно:

28.4.1.Энэ хуулийн 28.1-д заасан зөвшөөрлийг авах зорилгоор Монгол Улсын иргэнтэй хуурамчаар гэр бүл болсон;

28.4.2.Гэр бүлийн тухай хуулийн² 11.2-т заасны дагуу гэрлэлт дуусгавар болсон.

29 дүгээр зүйл.Монгол Улсад цагаачлах

29.1.Монгол Улсад цагаачлах эрх авах тухай гадаадын иргэний хүсэлт, улс орны дотоод нөхцөл байдал, эдийн засгийн чадамж, цагаачлах хүсэлтэй хүний боловсрол, мэргэжлийг харгалзан гадаадын иргэний асуудал эрхэлсэн төрийн захиргааны байгууллага Монгол Улсад цагаачлан оршин суух зөвшөөрлийг энэ хуулийн 27.1-д заасан хугацаагаар олгоно.

29.2.Монгол Улсад цагаачлах хүсэлт гаргасан гадаадын иргэн 55 буюу түүнээс дээш настай бол гадаадын иргэний асуудал эрхэлсэн төрийн захиргааны байгууллага нь цагаачлан оршин суух зөвшөөрөл олгохдоо энэ хуулийн 28.3-т заасан зарчмыг баримтална.

29.3.Монгол Улсад цагаачлан оршин суух зөвшөөрөл авсан гадаадын иргэн жилд 180 хоногоос дээш хугацаагаар тус улсын нутаг дэвсгэрт байгаагүй бол гадаадын иргэний асуудал эрхэлсэн төрийн захиргааны байгууллага нь цагаачлах зөвшөөрлийг хүчингүй болгож болно.

29.4.Монгол Улсад цагаачлан амьдрах оршин суух зөвшөөрөл авсан харьяалалгүй хүн гадаадад зорчих бол гадаадын иргэний асуудал эрхэлсэн төрийн захиргааны байгууллага түүнд гадаадад зорчих үнэмлэх олгоно.

29.5.Монгол Улсад цагаачлан амьдрах оршин суух гадаадын иргэдийн тоо нь Монгол Улсын харьяат хүн амын 0.5 хувь, үүний дотор нэг улсын иргэн 0.17 хувь хуртал байж болно.

29.6.Монгол Улсад цагаачлан амьдрах оршин суух гадаадын иргэдийн тоо нь Монгол Улсын харьяат хүн амын 0.4 хувиас доош байгаа нөхцөлд Засгийн газрын өргөн мэдүүлснээр Улсын Их Хурал тус улсад цагаачлуулж болох гадаадын иргэдийн тоог харьяалах улс болон засаг захиргаа, нутаг дэвсгэрийн нэгжид оршин суух байршлаар нь бүрэн

²Гэр бүлийн тухай хууль – “Төрийн мэдээлэл” эмхтгэлийн 1999 оны 30 дугаарт нийтлэгдсэн.

эрхийнхээ хугацаанд нэг удаа, 0.4 хувиас дээш гарсан нөхцөлд жил тутам тогтооно.

30 дугаар зүйл.Хөдөлмөр эрхлэх, хөрөнгө оруулах, суралцах, мэргэжил дээшлүүлэх, дадлага, эрдэм шинжилгээ, судалгааны ажил хийх зорилгоор Монгол Улсад оршин суух

30.1.Хөрөнгө оруулах, хөдөлмөр эрхлэх, суралцах, мэргэжил дээшлүүлэх, дадлага, эрдэм шинжилгээ, судалгааны ажил хийх зорилгоор Монгол Улсад ирсэн гадаадын иргэнд хөрөнгө оруулалт, хөдөлмөр эрхлэлт, боловсролын асуудал эрхэлсэн төрийн захиргааны төв байгууллага болон тэдгээрийн эрх олгосон байгууллагын хүсэлтийг үндэслэн гадаадын иргэний асуудал эрхэлсэн төрийн захиргааны байгууллага оршин суух зөвшөөрөл олгоно.

30.2.Гадаадын иргэн нь энэ хуулийн 30.1-д заасан зөвшөөрлийн хугацааг дуусахаас өмнө холбогдох байгууллагын хүсэлтийг авч гадаадын иргэний асуудал эрхэлсэн төрийн захиргааны байгууллагад хандаж оршин суух хугацааг сунгуулна.

31 дүгээр зүйл.Монгол Улсад хувийн хэргээр оршин суух зөвшөөрлийг хянан шийдвэрлэх хугацаа

31.1.Гадаадын иргэний асуудал эрхэлсэн төрийн захиргааны байгууллага нь Монгол Улсад хувийн хэргээр оршин суух зөвшөөрлийг 60 хоногийн дотор, уг зөвшөөрлийн хугацааг сунгах хүсэлтийг 30 хоногийн дотор хянан шийдвэрлэнэ.

32 дугаар зүйл.Монгол Улсад албан хэргээр оршин суух

32.1.Монгол Улсад суугаа гадаад улсын дипломат төлөөлөгчийн буюу консулын газар, НҮБ, түүний төрөлжсөн байгууллагын суурин төлөөлөгчийн болон гадаад улс, олон улсын хэвлэл мэдээллийн төлөөлөгчийн газарт ажиллах гадаадын иргэнд гадаад харилцааны асуудал эрхэлсэн төрийн захиргааны төв байгууллага тус улсад оршин суух зөвшөөрөл олгож, хугацааг нь сунгана.

32.2.Төрийн байгууллагын урилгаар ирсэн болон Засгийн газар хоорондын байгууллагад ажиллах гадаадын иргэнд оршин суух зөвшөөрөл олгох, хугацааг нь сунгах асуудлыг уригч байгууллагын хүсэлтийг үндэслэн гадаадын иргэний асуудал эрхэлсэн төрийн захиргааны байгууллага шийдвэрлэнэ.

33 дугаар зүйл.Гадаадын иргэнд үнэмлэх олгох

33.1.Монгол Улсад хувийн хэргээр болон энэ хуулийн 32.2-т заасны дагуу оршин суух зөвшөөрөл авсан гадаадын иргэнд гадаадын



иргэний асуудал эрхэлсэн төрийн захиргааны байгууллага Монгол Улсад оршин суух үнэмлэх олгоно.

33.2. Энэ хуулийн 33.1-д заасан оршин суух үнэмлэхэд дараахь мэдээллийг тусгана:

- 33.2.1. овог нэр;
- 33.2.2. төрсөн он, сар, өдөр;
- 33.2.3. хүйс;
- 33.2.4. оршин суух үнэмлэхийн дугаар;
- 33.2.5. түүний 16 насанд хүрээгүй хүүхэд;
- 33.2.6. иргэний харьяалал;
- 33.2.7. оршин суух зөвшөөрлийн төрөл;
- 33.2.8. оршин суух зөвшөөрлийн цуврал дугаар;
- 33.2.9. олгосон байгууллага;
- 33.2.10. хүчинтэй үргэлжлэх хугацаа;
- 33.2.11. сунгалт;
- 33.2.12. регистрийн дугаар;
- 33.2.13. зөрчлийн тэмдэглэл;
- 33.2.14. байнга оршин суух хаяг, түүний өөрчлөлт;
- 33.2.15. гарын хурууны хээ.

33.3. Гадаадын иргэн Монгол Улсаас бүрмөсөн явах тохиолдолд оршин суух үнэмлэхээ гадаадын иргэний асуудал эрхэлсэн төрийн захиргааны байгууллагад хураалгана.

ДОЛДУГААР БҮЛЭГ МОНГОЛ УЛСААС ГАРАХ

34 дүгээр зүйл. Монгол Улсаас гарах, гарахыг түдгэлзүүлэх

34.1. Гадаадын иргэн Монгол Улсад байхыг зөвшөөрсөн хугацаанд багтаж тус улсаас гарна.

34.2. Дараахь үндэслэл байвал гадаадын иргэнийг дор дурдсан хугацаанд Монгол Улсаас гарахыг түдгэлзүүлнэ:

34.2.1. гэмт хэрэгт сэжигтэн, яллагдагчаар татагдсан бол эрх бүхий байгууллагын шийдвэрийг үндэслэн тухайн хэргийг эцэслэн шийдвэрлэх хүртэл;

34.2.2. шүүхээр ял шийтгүүлсэн бол ялаа эдэлж дуусах буюу ялаас чөлөөлөх, эсхүл тухайн гадаадын иргэнийг Монгол Улсын олон улсын гэрээний дагуу харьяалах улсад нь шилжүүлэх хүртэл;

34.2.3. тухайн гадаадын иргэн өөрийнх нь эрх, эрх чөлөө, хууль ёсны ашиг сонирхлыг хохироож байгаа тухай бусад иргэн, аж ахуйн нэгж, байгууллагаас өргөдөл, гомдол гаргасан бөгөөд эрх бүхий байгууллага үүнийг үндэслэлтэй гэж үзсэн бол уг асуудлыг шийдвэрлэх хүртэл.

34.3. Гадаадын иргэнийг Монгол Улсаас гарахыг түр түдгэлзүүлэх



тухай шийдвэрийг гадаадын иргэний асуудал эрхэлсэн төрийн захиргааны байгууллагын дарга холбогдох байгууллагын саналыг үндэслэн гаргана.

34.4.Гадаадын иргэний асуудал эрхэлсэн төрийн захиргааны байгууллага нь энэ хуулийн 34.3-т заасан шийдвэрийг гадаад харилцааны асуудал эрхэлсэн төрийн захиргааны төв байгууллагад 24 цагийн дотор мэдэгдэнэ.

35 дугаар зүйл.Монгол Улсаас гарахыг сануулах

35.1.Энэ хуулийн 27.3-т заасан үндэслэлээр оршин суух зөвшөөрөл олгоогүй, эсхүл урьд олгосон зөвшөөрлийг хүчингүй болгосон буюу зөвшөөрлийн хугацааг сунгахаас татгалзсан бол гадаадын иргэний асуудал эрхэлсэн төрийн захиргааны байгууллага тус улсаас сайн дураараа гарахыг гадаадын иргэнд сануулна.

35.2.Энэ хуулийн 35.1-д заасан сануулга авсан гадаадын иргэн 10 хоногийн дотор Монгол Улсаас гарах үүрэгтэй.

36 дугаар зүйл.Гадаадын иргэнийг саатуулах

36.1.Дор дурдсан үндэслэл байвал гадаадын иргэнийг саатуулж болно:

36.1.1.энэ хуулийн 35.2-т заасан хугацаанд гараагүй бол;

36.1.2.албадан гаргах ажиллагаанд саад учруулж, эсхүл гэмт хэрэг үйлдэж, зөрчил гаргаж болзошгүй бол;

36.1.3.паспорт буюу паспортыг орлох баримт бичиггүй, эсхүл хэн болох нь тогтоогдохгүй байгаа бол.

36.2.Энэ хуулийн 36.1.3-т заасан зөрчил гаргасан гадаадын иргэнийг мөн хуулийн 41.1-д заасан гадаадын иргэнийг хяналтын улсын байцаагчийн шийдвэрээр зургаан цагаас илүүгүй хугацаагаар түр саатуулж болно.

36.3.Энэ хуулийн 36.1-д заасан үндэслэлээр гадаадын иргэнийг шүүхийн шийдвэрээр 14 хүртэл хоногийн хугацаагаар саатуулж болох ба шаардлагатай тохиолдолд гадаадын иргэний асуудал эрхэлсэн төрийн захиргааны байгууллагын саналыг үндэслэн уг хугацааг 30 хүртэл хоногоор сунгаж болно.

36.4.Гадаадын иргэний асуудал эрхэлсэн төрийн захиргааны байгууллага нь гадаадын иргэнийг саатуулахад гарсан зардлыг өөрөөр нь, эсхүл энэ хуулийн 10.1.2-т заасан баталгаа гаргасан иргэн, аж ахуй нэгж, байгууллагаар төлүүлж болно.

36.5.Энэ хуулийн 36.1.1, 36.1.3-т заасан зөрчил гаргасан гадаадын иргэнийг тодорхой барьцаатайгаар саатуулахгүй байж болно.

36.6.Гадаадын иргэний асуудал эрхэлсэн төрийн захиргааны байгууллага нь саатуулсан гадаадын иргэний талаар гадаад харилцааны

асуудал эрхэлсэн төрийн захиргааны төв байгууллагад 24 цагийн дотор мэдэгдэнэ.

36.7.Нийслэлд болон хилийн боомтод гадаадын иргэнийг саатуулах байртай байх бөгөөд уг байрны дотоод журмыг Улсын ерөнхий прокурортой зөвшилцон хууль зүйн асуудал эрхэлсэн Засгийн газрын гишүүн батална.

37 дугаар зүйл.Гадаадын иргэнийг Монгол Улсаас албадан гаргах

37.1.Гадаадын иргэнд эрүүгийн хариуцлага хүлээлгэхээргүй байвал дараахь үндэслэлээр Монгол Улсаас албадан гаргана:

37.1.1.Монгол Улсын нутаг дэвсгэрт хүчин төгөлдөр бус буюу хуурамч баримт бичгээр нэвтэрсэн нь нотлогдсон;

37.1.2.оршин суух зөвшөөрлийн хугацаа нь дууссан боловч Монгол Улсаас гарч явахгаас зайлсхийсэн;

37.1.3. түр ирэгч нь виз, бүртгэлийн журмыг хоёр буюу түүнээс дээш удаа зөрчиж энэ хуульд заасан хариуцлага хүлээсэн;

37.1.4.Мансууруулах эм, сэтгэцэд нөлөөт бодисын эргэлтэд хяналт тавих тухай хуулийн³ 13 дугаар зүйлд заасан хориглосон үйл ажиллагаа явуулсан;

37.1.5.Хүний дархлал хомсдолын вирусын халдвар, дархлалын олдмол хомсдолоос сэргийлэх тухай хуулийн⁴ 11.3-т заасан үндэслэл бий болсон буюу сэтгэцийн өвчтэй болохыг нь эрүүл мэндийн байгууллага тогтоосон;

37.1.6.хуурамч баримт бичиг ашиглаж виз, оршин суух зөвшөөрөл авсан, эсхүл виз, оршин суух зөвшөөрлийг засварласан буюу хуурамчаар үйлдсэн;

37.1.7.эрх бүхий байгууллагын зөвшөөрөлгүйгээр хөдөлмөр эрхэлсэн, ирсэн зорилгоосоо өөр үйл ажиллагаа явуулсан;

37.1.8.энэ хуулийн 35.1-д заасны дагуу Монгол Улсаас сайн дураараа гарах сануулгыг биелүүлээгүй;

37.1.9.нийгмийн хэв журмыг хоёр буюу түүнээс дээш удаа зөрчиж захиргааны арга хэмжээ авагдсан гадаадын иргэний талаар цагдаагийн байгууллагаас үндэслэл бүхий санал ирүүлсэн;

37.1.10.Монгол Улсын үндэсний аюулгүй байдлын эсрэг үйл ажиллагаа явуулж болзошгүй этгээд гэж холбогдох байгууллагаас үэсэн;

³Мансууруулах эм, сэтгэцэд нөлөөт бодисын эргэлтэд хяналт тавих тухай хууль-“Төрийн мэдээлэл” эмхтгэлийн 2002 оны 46 дугаарт нийтлэгдсэн.

⁴Хүний дархлал хомсдолын вирусын халдвар, дархлалын олдмол хомсдолоос сэргийлэх тухай хууль-“Төрийн мэдээлэл” эмхтгэлийн 2004 оны 23 дугаарт нийтлэгдсэн.



37.1.11.шүүхээр ял шийтгүүлсэн гадсадын иргэн ялаа эдэлж дууссан буюу ялаас чөлөөлөгдсөн, эсхүл тухайн гадаадын иргэнийг Монгол Улсын олон улсын гэрээний дагуу харьяалах улсад нь шилжүүлэхээр болсон;

37.1.12.түр ирэгч визийн хугацааг хэтрүүлсэн.

37.2.Гадаадын иргэнийг Монгол Улсаас албадан гаргах тухай шийдвэрийг гадаадын иргэний хяналтын улсын байцаагчийн дүгнэлтийг үндэслэн гадаадын иргэний асуудал эрхэлсэн төрийн захиргааны байгууллагын дарга гаргана.

37.3.Гадаадын иргэний асуудал эрхэлсэн төрийн захиргааны байгууллага нь Монгол Улсаас албадан гаргаж байгаа гадаадын иргэний фото зураг, гарын хурууны хээг авч мэдээллийн сан бүрдүүлнэ.

37.4.Энэ хуулийн 37.2-т заасан албадан гаргах тухай шийдвэрийг гадаадын иргэний асуудал эрхэлсэн төрийн захиргааны байгууллага хил хамгаалах болон цагдаагийн байгууллагатай хамтран гүйцэтгэнэ.

37.5.Гадаадын иргэний асуудал эрхэлсэн төрийн захиргааны байгууллага нь албадан гаргаж байгаа гадаадын иргэний паспорт, баримт бичигт Монгол Улсад орохыг хориглосон хугацааг заасан тэмдэглэл хийнэ.

37.6.Гадаадын иргэнийг Монгол Улсаас албадан гаргах зардлыг гадаадын иргэнээс өөрөөс нь, эсхүл уригчаас гаргуулах ба хэрэв төлбөрийн чадваргүй бол уг зардлыг гадаадын иргэний асуудал эрхэлсэн төрийн захиргааны байгууллага гаргана.

37.7.Гадаадын иргэнийг Монгол Улсаас албадан гаргах нь улс хооронд ялтан шилжүүлэх асуудалд үл хамварна.

37.8.Гадаадын иргэний асуудал эрхэлсэн төрийн захиргааны байгууллага нь албадан гаргасан гадаадын иргэний талаар гадаад харилцааны асуудал эрхэлсэн төрийн захиргааны төв байгууллагад тухай бүр мэдээлнэ.

38 дугаар зүйл.Гадаадын иргэнийг шилжүүлэх улс

38.1.Албадан гаргаж байгаа гадаадын иргэнийг харьяалах улсад нь шилжүүлнэ.

38.2. Албадан гаргаж байгаа гадаадын иргэнийг харьяалах улсад нь шууд шилжүүлэх боломжгүй бол дараахь улсын аль нэгэнд шилжүүлж болно:

38.2.1.урьд нь оршин сууж байсан буюу төрсөн улсад нь;

38.2.2.Монгол Улсад нэвтрэн орж ирэхдээ хамгийн сүүлд дамжин орж ирсэн улсад нь;

38.2.3.визийг нь авсан улсад.



**НАЙМДУГААР БҮЛЭГ
ГАДААДЫН ИРГЭНИЙ АСУУДАЛ ЭРХЭЛСЭН
ТӨРИЙН ЗАХИРГААНЫ БАЙГУУЛЛАГА, АЖИЛТНЫ
ЭРХ ЗҮЙН БАЙДАЛ, БАТАЛГАА**

39 дүгээр зүйл. Төрийн захиргааны байгууллагын тогтолцоо

39.1. Гадаадын иргэний асуудал эрхэлсэн төрийн захиргааны байгууллага нь удирдах төв байгууллага, түүний хилийн боомт, орон нутаг дахь албадаас бүрдэнэ.

39.2. Гадаадын иргэний асуудал эрхэлсэн төрийн захиргааны байгууллагын алба ажиллах хилийн боомтын жагсаалтыг Засгийн газар тогтооно.

39.3. Энэ хуулийн 39.2-т зааснаас бусад хилийн боомтод гадаадын иргэний асуудал эрхэлсэн төрийн захиргааны байгууллагын виз олгохоос бусад чиг үүргийг тухайн боомт дахь хил хамгаалах байгууллага хариуцан гүйцэтгэнэ.

**40 дүгээр зүйл. Гадаадын иргэний асуудал эрхэлсэн
төрийн захиргааны байгууллагын бүрэн эрх**

40.1. Гадаадын иргэний асуудал эрхэлсэн төрийн захиргааны байгууллага дараахь бүрэн эрхийг хэрэгжүүлнэ:

40.1.1. гадаадын иргэний талаар төрөөс баримтлах бодлогыг хэрэгжүүлэх ажлыг зохион байгуулах;

40.1.2. гадаадын иргэний талаархи хууль тогтоомжийн хэрэгжилтэд хяналт тавих;

40.1.3. гадаадын иргэний асуудлаар Монгол Улсаас гадаад улсад суугаа дипломат төлөөлөгчийн газарт мэргэжил, арга зүйн туслалцаа үзүүлэх;

40.1.4. гадаадын иргэний талаархи мэдээллийн нэгдсэн сан бүрдүүлэх, хөтлөх;

40.1.5. олон улсын болон гадаад улсын төрийн бус байгууллагын салбар, төлөөлөгчийн газарт Монгол Улсад үйл ажиллагаа явуулах зөвшөөрөл олгох, сунгах, хүчингүй болгох, үйл ажиллагаанд нь хяналт тавих;

40.1.6. хууль тогтоомжид заасан бусад бүрэн эрх.

40.2. Гадаадын иргэний асуудал эрхэлсэн төрийн захиргааны байгууллага нь энэ хуулийн 27.3-т заасны дагуу татгалзсан хариу өгсөн тохиолдолд шалтгааныг нь тайлбарлах үүрэг хүлээхгүй.

**41 дүгээр зүйл. Гадаадын иргэний хяналтын улсын
байцаагч, түүний бүрэн эрх, баталгаа**

41.1. Гадаадын иргэний эрх зүйн байдлын тухай хууль тогтоомж



болон холбогдох бусад хууль тогтоомжийн хэрэгжилтэд хяналт, шалгалт хийх эрх олгогдсон Монгол Улсын иргэнийг гадаадын иргэний хяналтын улсын байцаагч гэнэ.

41.2.Гадаадын иргэний асуудал эрхэлсэн төрийн захиргааны байгууллагын дарга нь гадаадын иргэний хяналтын улсын ерөнхий байцаагч байна.

41.3.Гадаадын иргэний хяналтын улсын ахлах байцаагч, улсын байцаагч (цаашид "байцаагч" гэх)-ийн эрх олгох, уг эрхийг түдгэлзүүлэх, хүчингүй болгох асуудлыг гадаадын иргэний хяналтын улсын ерөнхий байцаагч шийдвэрлэнэ.

41.4.Улсын байцаагч нь "Гадаадын иргэний хяналтын улсын байцаагч би, Монгол Улсын тусгаар тогтнол, үндэсний аюулгүй байдлыг хангахын төлөө үнэнчээр зүтгэж, гадаадын иргэн болон түүний баримт бичигт хяналт, шалгалт хийхдээ хүний эрх, хууль, шударга ёсыг дээдлэн, улсын байцаагчийн ёс зүйн хэм хэмжээг чанд сахиж, хэний ч нөлөөнд үл автахаяа батлан тангараглая. Өргөсөн тангаргаас няцвал төрийн хуулийн цээрлэл хүлээнэ" гэсэн тангараг өргөнө.

41.5.Улсын байцаагч нь дүрэмт хувцас, ялгах тэмдэг хэрэглэх ба дүрэмт хувцас, ялгах тэмдгийн загвар, хэрэглэх журам, дүрэмт хувцасны эдэлгээний хугацааг хууль зүйн асуудал эрхэлсэн Засгийн газрын гишүүн батална.

41.6.Улсын байцаагчийн дүрэмт хувцас, ялгах тэмдэгтэй ижил загварын дүрэмт хувцас, ялгах тэмдэг хэрэглэхийг бусад иргэн, аж ахуйн нэгж, байгууллагад хориглоно.

41.7.Улсын байцаагч нь Төрийн хяналт шалгалтын тухай⁵, Захиргааны хариуцлагын тухай хуульд⁶ зааснаас гадна дараахь эрхийг хэрэгжүүлнэ:

41.7.1.гадаадын иргэний паспорт, паспортыг орлох баримт бичигт үзлэг шалгалт хийн, зохих үндэслэл байвал зөрчлийг шийдвэрлэх хүртэл хадгалах;

41.7.2.гадаадын иргэнийг Монгол Улсаас гарахыг түдгэлзүүлсэн, албадан гаргасан шийдвэрийг цуцлах санал гаргах;

41.7.3.хууль тогтоомжид заасан бусад бүрэн эрх.

41.8.Улсын байцаагчийн хилийн боомтод ажилласан нэг жилийг нэг жил гурав сар ажилласанд тооцох ба хилийн боомт, орон нутаг дахь албанд таваас доошгүй жил ажиллаж байгаа ажилтанд ажилласан таван жил тутам 30 сарын үндсэн цалинтай тэнцэх хэмжээний мөнгөн урамшуулал олгоно.

⁵Төрийн хяналт шалгалтын тухай хууль-"Төрийн мэдээлэл" эмхтгэлийн 2003 оны 2 дугаарт нийтлэгдсэн.

⁶Захиргааны хариуцлагын тухай хууль-"Төрийн мэдээлэл" эмхтгэлийн 1992 оны 4-5 дугаарт нийтлэгдсэн.



ЕСДҮГЭЭР БҮЛЭГ ХУУЛЬ ТОГТООМЖ ЗӨРЧИГЧИД ХҮЛЭЭЛГЭХ ХАРИУЦЛАГА

42 дугаар зүйл. Хууль тогтоомж зөрчигчид хүлээлгэх хариуцлага

42.1. Гадаадын иргэний эрх зүйн байдлын тухай хууль тогтоомж зөрчсөн этгээдэд эрүүгийн хариуцлага хүлээлгэхээргүй байвал дор дурдсан захиргааны шийтгэл ногдуулна:

42.1.1. дамжин өнгөрөх визтэй гадаадын иргэн тус улсын нутаг дэвсгэрт хүндэтгэн үзэх шалтгаангүйгээр үлдсэн бол хөдөлмөрийн хөлсний доод хэмжээг нэгээс гурав дахин нэмэгдүүлсэнтэй тэнцэх хэмжээний төгрөгөөр торгох;

42.1.2. эрх бүхий байгууллагаас Монгол Улсад оршин суух зөвшөөрөл аваагүй, эсхүл зөвшөөрлийн хугацааг гурван сараас бага хугацаагаар хэтрүүлсэн гадаадын иргэнийг хөдөлмөрийн хөлсний доод хэмжээг нэгээс гурав дахин нэмэгдүүлсэнтэй тэнцэх хэмжээний төгрөгөөр торгох;

42.1.3. Монгол Улсад хууль бусаар гурван сараас дээш хугацаагаар оршин суусан гадаадын иргэнийг хөдөлмөрийн хөлсний доод хэмжээг гурваас тав дахин нэмэгдүүлсэнтэй тэнцэх хэмжээний төгрөгөөр торгох;

42.1.4. гадаадын иргэний оршин суух зөвшөөрлийн хугацааг хэтрүүлсэн, эсхүл оршин суух зөвшөөрөлгүй гадаадын иргэнийг нуун далдалсан, орон сууц, ажлын байраар хангасан уригч болон бусад этгээдийг гадаадын иргэн тус бүрээр тосгон энэ хуулийн 42.1.2, 42.1.3-т зааснаар торгох;

42.1.5. энэ хуулийн 24, 25 дугаар зүйлд заасан бүртгэлийн журам зөрчсөн гадаадын иргэнийг хөдөлмөрийн хөлсний доод хэмжээг нэгээс хоёр дахин нэмэгдүүлсэнтэй тэнцэх хэмжээний төгрөгөөр торгох;

42.1.6. гадаадын иргэнийг хууль тогтоомжийн дагуу зохих байгууллагад бүртгүүлээгүй уригчийг хөдөлмөрийн хөлсний доод хэмжээг таваас арав дахин нэмэгдүүлсэнтэй тэнцэх хэмжээний төгрөгөөр торгох;

42.1.7. эрх бүхий байгууллагын зөвшөөрөлгүйгээр, эсхүл зөвшөөрлийн хугацааг гурван сар хүртэл хугацаагаар хэтрүүлэн Монгол Улсад хөдөлмөр эрхэлсэн гадаадын иргэнийг хөдөлмөрийн хөлсний доод хэмжээг нэгээс гурав дахин нэмэгдүүлсэнтэй тэнцэх хэмжээний төгрөгөөр торгох;

42.1.8. эрх бүхий байгууллагын зөвшөөрөлгүйгээр, эсхүл зөвшөөрлийн хугацааг гурван сараас дээш хугацаагаар хэтрүүлэн Монгол

Улсад хөдөлмөр эрхэлсэн гадаадын иргэнийг хөдөлмөрийн хөлсний доод хэмжээг гурваас тав дахин нэмэгдүүлсэнтэй тэнцэх хэмжээний төгрөгөөр торгох;

42.1.9.визийн хугацааг гурав хүртэл сараар хэтрүүлсэн түр ирэгч гадаадын иргэнийг хөдөлмөрийн хөлсний доод хэмжээг нэгээс гурав дахин нэмэгдүүлсэнтэй тэнцэх хэмжээний төгрөгөөр торгох;

42.1.10.визийн хугацааг гурван сараас дээш хугацаагаар хэтрүүлсэн түр ирэгч гадаадын иргэнийг хөдөлмөрийн хөлсний доод хэмжээг гурваас тав дахин нэмэгдүүлсэнтэй тэнцэх хэмжээний төгрөгөөр торгох;

42.1.11.визийн хугацаа, журмын талаар хүлээсэн үүргээ зөрчсөн уригчийг гадаадын иргэн тус бүрээр тооцон энэ хуулийн 42.1.9, 42.1.10-т зааснаар торгох;

42.1.12.Монгол Улсад оршин суух үнэмлэхийг эзэмших, хадгалах, ашиглах журам зөрчсөн гадаадын иргэнийг хөдөлмөрийн хөлсний доод хэмжээг нэгээс хоёр дахин нэмэгдүүлсэнтэй тэнцэх хэмжээний төгрөгөөр торгох;

42.1.13.паспорт, паспортыг орлох баримт бичиг, Монгол Улсад оршин суух үнэмлэхээ биедээ авч яваагүй гадаадын иргэнийг хөдөлмөрийн хөлсний доод хэмжээг гурав дахин бууруулсантай тэнцэх хэмжээний төгрөгөөр торгох;

42.1.14.оршин суух хаягийн бүртгэл хийлгэх талаар тогтоосон журам зөрчсөн гадаадын иргэнийг хөдөлмөрийн хөлсний доод хэмжээг гурав дахин бууруулсантай тэнцэх хэмжээний төгрөгөөр торгох;

42.1.15.виз, эрх бүхий байгууллагаас олгодог аливаа зөвшөөрөл, баримт бичгийг хуурамчаар үйлдсэн, бүрдүүлсэн, засварласан гадаадын иргэн, уригч, бусад этгээдийг хөдөлмөрийн хөлсний доод хэмжээг гурваас зургаа дахин нэмэгдүүлсэнтэй тэнцэх хэмжээний төгрөгөөр торгох;

42.1.16.албадан гаргах ажиллагаанд саад учруулсан, эсэргүүцэл үзүүлсэн, эрх бүхий төрийн албан хаагчийг доромжилсон, нэр төрд нь халдсан гадаадын иргэн болон бусад этгээдийг хөдөлмөрийн хөлсний доод хэмжээг гурваас тав дахин нэмэгдүүлсэнтэй тэнцэх хэмжээний төгрөгөөр торгох;

42.1.17.энэ хуулийн 8.1.1-8.1.5-д заасан үйл ажиллагаа явуулсан гадаадын иргэнийг хөдөлмөрийн хөлсний доод хэмжээг гурваас зургаа дахин нэмэгдүүлсэнтэй тэнцэх хэмжээний төгрөгөөр торгох.

42.2.Энэ хуулийн 42.1-д заасан захиргааны шийтгэлийг улсын байцаагч ногдуулах ба гомдол гарвал шүүх эцэслэн шийдвэрлэнэ.



**АРАВДУГААР БҮЛЭГ
БУСАД АСУУДАЛ**

43 дугаар зүйл.Хугацаа тодорхойлох, тоолох журам

43.1.Виз, оршин суух зөвшөөрлийн хугацааг жил, сар, хоногоор тодорхойлно.

43.2.Виз, оршин суух зөвшөөрлийн хугацааг тоолохдоо дараагийн өдрөөс эхлэн тоолно.

43.3.Энэ хуулийн 43.2-т заасан тоолох хугацааны эцсийн өдөр ажлын бус өдөр байвал түүний дараагийн ажлын өдөр уг хугацаа дуусна.

43.4.Виз, оршин суух зөвшөөрлийн хугацааг сунгах тохиолдолд хугацаа дууссан өдрөөс шинэ хугацааг тоолно.

44 дүгээр зүйл.Хууль хүчин төгөлдөр болох

44.1.Энэ хуулийг 2010 оны 09 дүгээр сарын 01-ний өдрөөс эхлэн дагаж мөрдөнө.

**МОНГОЛ УЛСЫН
ИХ ХУРЛЫН ДАРГА**

ДДЭМБЭРЭЛ

МОНГОЛ УЛСЫН ХУУЛЬ

2010 оны 07 дугаар
сарын 08-ны өдөр

Улаанбаатар
хот

**ГАДААДЫН ИРГЭНИЙ ЭРХ ЗҮЙН
БАЙДЛЫН ТУХАЙ ХУУЛЬ ХҮЧИНГҮЙ
БОЛСОНД ТООЦОХ ТУХАЙ**

1 дүгээр зүйл.1993 оны 12 дугаар сарын 24-ний өдөр баталсан Гадаадын иргэний эрх зүйн байдлын тухай хуулийг хүчингүй болсонд тооцсугай.

2 дугаар зүйл.Энэ хуулийг 2010 оны 7 дугаар сарын 08-ны өдөр баталсан Гадаадын иргэний эрх зүйн байдлын тухай (Шинэчилсэн найруулга) хууль хүчин төгөлдөр болсон өдрөөс эхлэн дагаж мөрдөнө.

**МОНГОЛ УЛСЫН
ИХ ХУРЛЫН ДАРГА**

ДДЭМБЭРЭЛ

МОНГОЛ УЛСЫН ХУУЛЬ

2010 оны 07 дугаар
сарын 08-ны өдөр

Улаанбаатар
хот

ЗАХИРГААНЫ ХАРИУЦЛАГЫН ТУХАЙ ХУУЛЬД ӨӨРЧЛӨЛТ ОРУУЛАХ ТУХАЙ

1 дүгээр зүйл. Захиргааны хариуцлагын тухай хуулийн 4 дүгээр зүйлийн 3 дахь хэсэг, 10 дугаар зүйлийн 1-4 дэх заалтын "28," гэснийг, мөн зүйлийн 5 дахь заалтын "28 дугаар зүйлийн 2, 3, 5 дахь хэсэг," гэснийг тус тус хассугай.

2 дугаар зүйл. Захиргааны хариуцлагын тухай хуулийн 28 дугаар зүйлийг хүчингүй болсонд тооцсугай.

3 дугаар зүйл. Энэ хуулийг 2010 оны 7 дугаар сарын 08-ны өдөр баталсан Гадаадын иргэний эрх зүйн байдлын тухай (Шинэчилсэн найруулга) хууль хүчин төгөлдөр болсон өдрөөс эхлэн дагаж мөрдөнө.

МОНГОЛ УЛСЫН
ИХ ХУРЛЫН ДАРГА

Д.ДЭМБЭРЭЛ

МОНГОЛ УЛСЫН ХУУЛЬ

2010 оны 07 дугаар
сарын 08-ны өдөр

Улаанбаатар
хот

МОНГОЛ УЛСЫН ЗАСГИЙН ГАЗРЫН ТУХАЙ ХУУЛЬД НЭМЭЛТ ОРУУЛАХ ТУХАЙ

1 дүгээр зүйл. Монгол Улсын Засгийн газрын тухай хуулийн 20 дугаар зүйлийн 5 дахь хэсгийн 5 дахь заалтад "энгийн зэргийн виз, Монгол Улсад орох, гарах, оршин суух гадаадын иргэний асуудал" гэж нэмсүгэй.

2 дугаар зүйл. Монгол Улсын Засгийн газрын тухай хуулийн 20 дугаар зүйлийн 5 дахь хэсгийн 3 дахь заалтын "виз" гэсний өмнө "дипломат, албан зэргийн" гэж нэмсүгэй.

3 дугаар зүйл. Энэ хуулийг 2010 оны 7 дугаар сарын 08-ны өдөр баталсан Гадаадын иргэний эрх зүйн байдлын тухай (Шинэчилсэн найруулга) хууль хүчин төгөлдөр болсон өдрөөс эхлэн дагаж мөрдөнө.

МОНГОЛ УЛСЫН
ИХ ХУРЛЫН ДАРГА

Д.ДЭМБЭРЭЛ

**МОНГОЛ УЛСЫН ХУУЛЬ**2010 оны 07 дугаар
сарын 08-ны өдөрУлаанбаатар
хот**БАЙГАЛЬ ОРЧНЫГ ХАМГААЛАХ ТУХАЙ ХУУЛЬД
НЭМЭЛТ ОРУУЛАХ ТУХАЙ**

1 дүгээр зүйл. Байгаль орчныг хамгаалах тухай хуулийн 3 дугаар зүйлийн 2 дахь хэсэгт дор дурдсан агуулгатай 11-13 дахь заалт нэмсүгэй:

"11/ "байгаль орчинд учруулсан хохирол" гэж байгалийн баялгийг зөвшөөрөлгүй бэлтгэсэн, олборлосон, эсхүл байгаль орчны чадавхын тогтоосон хэм хэмжээ, зөвшөөрөгдөх дээд хэмжээний хязгаараас хэтрүүлэн байгаль орчныг бохирдуулсан, доройтуулсан, гэмтээсэн, байгалийн нөөц баялгийг хомсдуулсан, экологийн тогтолцоог алдагдуулсан аливаа үйлдэл, эс үйлдэхүйг;

12/ "байгаль орчинд учруулсан хохирлын нөхөн төлбөр" гэж иргэн, аж ахуйн нэгж, байгууллага, албан тушаалтны байгаль орчинд учруулсан хохирол, түүнийг арилгах болон цаашид үүсч болох эрсдэлээс урьдчилан сэргийлэхэд шаардлагатай байгаль орчны экологи-эдийн засгийн үнэлгээ, аргачлалын дагуу тогтоосон мөнгөн илэрхийллийг;

13/ "байгаль орчинд учирсан хохирлыг нөхөн төлөгч" гэж энэ хуулийн 3 дугаар зүйлийн 2 дахь хэсгийн 11 дэх заалтад заасан үйлдэл, эс үйлдэхүйг хийсэн иргэн, аж ахуйн нэгж, байгууллага, албан тушаалтныг."

2 дугаар зүйл. Байгаль орчныг хамгаалах тухай хуулийн 4 дүгээр зүйлийн 1 дэх хэсгийн 2 дахь заалтын "шаардах" гэсний дараа ", байгаль орчинд учруулсан хохирлыг барагдуулахаар шүүхэд нэхэмжлэл гаргах;" гэж, 32 дугаар зүйлийн 1 дэх хэсгийн 1 дэх заалтын "шийдвэргүүлэх" гэсний дараа ", гэм буруутай этгээдээс байгаль орчинд учруулсан хохирлыг барагдуулулахаар шүүхэд нэхэмжлэл гаргах;" гэж тус тус нэмсүгэй.

**МОНГОЛ УЛСЫН
ИХ ХУРЛЫН ДАРГА****Д.ДЭМБЭРЭЛ****МОНГОЛ УЛСЫН ХУУЛЬ**2010 оны 07 дугаар
сарын 08-ны өдөрУлаанбаатар
хот**ХАРИЛЦАА ХОЛБООНЫ ТУХАЙ ХУУЛЬД
НЭМЭЛТ, ӨӨРЧЛӨЛТ ОРУУЛАХ ТУХАЙ**

1 дүгээр зүйл. Харилцаа холбооны тухай хуулийн 25 дугаар зүйлд дор дурдсан агуулгатай 25.2.8 дахь заалт нэмсүгэй:

"25.2.8. Гүйцэтгэх ажлын тухай хуулийн 9.1.1-д заасан эрх бүхий байгууллагыг хуульд заасан журмын дагуу харилцаа холбооны сүлжээнд



холбох, түүнийг хуульд заасан зорилгоор ашиглах нөхцөл, бололцоогоор хангах.”

2 дугаар зүйл. Харилцаа холбооны тухай хуулийн 14 дүгээр зүйлийн 14.2.2 дахь заалтын “боловсон хүчнээр” гэснийг “боловсон хүчин, техникийн иж бүрдлээр” гэж, 25 дугаар зүйлийн 25.2.8 дахь заалтын дугаарыг “25.2.9” гэж тус тус өөрчилсүгэй.

**МОНГОЛ УЛСЫН
ИХ ХУРЛЫН ДАРГА**

Д.ДЭМБЭРЭЛ

МОНГОЛ УЛСЫН ЗАСГИЙН ГАЗРЫН ТОГТООЛ

2010 оны 05 дугаар
сарын 21-ний өдөр

Дугаар 124

Улаанбаатар
хот

Өмнийн говийн бүсийн хөгжлийн зөвлөл байгуулах тухай

Улсын Их Хурлын 2009 оны 57 дугаар тогтоол, Монгол Улсын Засгийн газар болон Айвенхоу Майнз Монголия инк ХХК, Айвенхоу Майнз лимитед, Рио Тинто интернэшнл холдингс лимитед компани хоорондын хөрөнгө оруулалтын гэрээний 4.1-д заасныг үндэслэн Монгол Улсын Засгийн газраас ТОГТООХ нь:

1. Өмнийн говийн бүс, орон нутгийн хөгжлийн стратеги, төлөвлөгөө болон төсвийг боловсруулах, санхүүжүүлэх, хэрэгжилтийг зохион байгуулахад Засгийн газарт туслалцаа үзүүлэх үүрэг бүхий Өмнийн говийн бүсийн хөгжлийн зөвлөлийн бүрэлдэхүүнийг хавсралт ёсоор баталсугай.

2. Өмнийн говийн бүс нутгийн хөгжлийн төлөвлөлт, хүн амын төвлөрөл, суурьшлыг урьдчилан тооцож хот байгуулалт, дэд бүтцийн нэгдсэн бодлогоор хангах, хөрөнгө оруулагчийн зүгээс “Оюутолгой” төслийн тогтвортой үр ашгийг хангах ажлыг зохион байгуулахад Засгийн газарт үр дүнтэй дэмжлэг үзүүлж ажиллахыг Өмнийн говийн бүсийн хөгжлийн зөвлөлд үүрэг болгосугай.

3. Зөвлөлийн ажиллах журмыг баталж, мөрдүүлэхийг Эрдэс баялаг, эрчим хүчний сайд Д.Зоригтод даалгасугай.

**МОНГОЛ УЛСЫН
ЕРӨНХИЙ САЙД**

С.БАТБОЛД

**ЭРДЭС БАЯЛАГ, ЭРЧИМ
ХҮЧНИЙ САЙД**

Д.ЗОРИГТ

**ӨМНИЙН ГОВИЙН БҮСИЙН ХӨГЖЛИЙН
ЗӨВЛОЛИЙН БҮРЭЛДЭХҮҮН**

- Дарга - Улсын Их Хурлын гишүүн Х.Бадамсүрэн /зөвшилцсөнөөр/
Орлогч - Улсын Их Хурлын гишүүн Ц.Баярсайхан /зөвшилцсөнөөр/
Гишүүд: -Өмнөговь аймгийн Засаг дарга Б.Бадраа;
- Өмнөговь аймгийн Иргэдийн Төлөөлөгчдийн Хурлын дарга
Л.Батчулуун;
-Засгийн газрын ахлах референт П.Зоригтбаатар;
-Өмнөговь аймгийн Засаг даргын орлогч Д.Мөнхтулга;
-Сангийн яамны Төсвийн бодлогын газрын дарга Б.Батжаргал;
-Нийгмийн хамгаалал, хөдөлмөрийн яамны Бодлогын
хэрэгжилтийг зохицуулах газрын дарга Т.Энхтуяа;
-Байгаль орчин, аялал, жуулчлалын яамны Хүрээлэн
буй орчин, байгалийн нөөцийн газрын дарга Д.Энхбат;
-Эрдэс баялаг, эрчим хүчний яамны Геологийн
бодлогын газрын орлогч дарга С.Баттулга;
-Усны газрын Усны кадастр, хяналт үнэлгээний
хэлтсийн дарга Т.Мөнх-Эрдэм;
-Нийгмийн даатгалын ерөнхий газрын дэд дарга Ц.Уртнасан;
-Ашигт малтмалын газрын Уул уурхайн хэлтсийн
дарга Ц.Даваацэрэн ;
-Ашигт малтмалын газрын Стратеги төлөвлөлтийн
тасгийн дарга Б.Бямбадагва;
-Өмнөговь аймгийн Засаг даргын Тамгын газрын
Хөгжлийн бодлогын хэлтсийн дарга Б.Энхтуяа;
-Өмнөговь аймгийн Засаг даргын Тамгын газрын
Хууль зүйн хэлтсийн дарга Ч.Баярмаа;
-Өмнөговь аймгийн Ханбогд сумын Засаг дарга Б.Дэндэвсамба;
-Өмнөговь аймгийн Баян-Овоо сумын Засаг дарга Х.Батболд;
-Өмнөговь аймгийн Манлай сумын Засаг дарга Х.Сугир;
-Өмнөговь аймгийн Иргэдийн Төлөөлөгчдийн Хурлын
төлөөлөгч Д.Буянтогтох;
-Өмнөговь аймгийн Иргэдийн Төлөөлөгчдийн Хурлын



төлөөлөгч Н.Бурмаа;

- Өмнөговь аймгийн Байгаль орчин, аялал жуулчлалын газрын дарга О.Бадарч;
- Өмнөговь аймгийн Боловсрол, соёлын газрын дарга Б.Батбилэг;
- Өмнөговь аймгийн Эрүүл мэндийн газрын дарга Ч.Баяржаргал;
- Өмнөговь аймгийн Хүнс, хөдөө аж ахуй, жижиг, дунд үйлдвэрийн газрын дарга Ё.Жамбалдагва;
- Өмнөговь аймгийн Хүүхдийн төлөө төвийн дарга Б.Наранцэцэг;
- Өмнөговь аймгийн Мэргэжлийн хяналтын газрын дарга Б.Буяннэмэх;
- Шинжлэх ухаан технологийн их сургуулийн Геологийн сургуулийн захирал Д.Чулуун;
- Монголын уул уурхайн үндэсний ассоциацийн ерөнхийлөгч Д.Дамба /тохиролцсоноор/;
- “Оюутолгой” ХХК-ийн дэд ерөнхийлөгч Лейтон Крот;
- “Оюутолгой” ХХК-ийн дэд захирал Т.Мөнхбат /тохиролцсоноор/;
- “МАК” ХХК-ийн дэд захирал Г.Цогт;
- “Энержи ресурс” ХХК-ийн гүйцэтгэх захирал Г.Батцэнгэл;
- “Шинэ хотжилт” ХХК-ийн ерөнхий захирал Д.Сайн-Эр;
- “Өмнийн говийн элс” ХХК-ийн дэд захирал Д.Бат-Эрдэнэ;
- Өмнөговь аймгийн Бизнесийн зөвлөлдөх зөвлөлийн тэргүүн А.Идэрцог /тохиролцсоноор/;
- Өмнөговь аймгийн Ахмадын хорооны дарга Б.Бат-Өлзий /тохиролцсоноор/;
- Өмнөговь аймгийн Үйлдвэрчний звлэлийн холбооны дарга Д.Мөнх-Эрдэнэ /тохиролцсоноор/;
- Өмнөговь аймгийн Эмэгтэйчүүдийн зөвлөлийн дарга Х.Байгалмаа /тохиролцсоноор/;
- Өмнөговь аймгийн “Залуучуудын хөгжлийн төв” ТББ-ын ерөнхийлөгч Ч.Буянбаатар /тохиролцсоноор/;
- Өмнөговь аймгийн Ханбогд сумын “Шинэ Ханбогд холбоо” ТББ-ын тэргүүн Т.Эрдэнэ-Очир /тохиролцсоноор/;
- Нарийн бичгийн дарга;
- Засгийн газрын бүрэн эрхт төлөөлөгч Д.Батбаатар.

**МОНГОЛ УЛСЫН ЗАСГИЙН ГАЗРЫН ТОГТООЛ**2010 оны 05 дугаар
сарын 26-ны өдөр

Дугаар 125

Улаанбаатар
хот**Журам батлах тухай**

Шүүхийн шинжилгээний тухай хуулийн 42.3-т заасныг үндэслэн Монгол Улсын Засгийн газраас **ТОГТООХ нь:**

1. "Шүүхийн шинжилгээний байгууллагын ажилтны дүрэмт хувцас хэрэглэх, цол олгох журам"-ыг хавсралт ёсоор баталсугай.

2. Энэхүү тогтоолын хэрэгжилтэд хяналт тавьж ажиллахыг Хууль зүй, дотоод хэргийн сайд Ц.Нямдоржид даалгасугай.

**МОНГОЛ УЛСЫН
ЕРӨНХИЙ САЙД****С.БАТБОЛД****ХУУЛЬ ЗҮЙ, ДОТООД
ХЭРГИЙН САЙД****Ц.НЯМДОРЖ**

Монгол Улсын Засгийн газрын 2010
оны 125 дугаар тогтоолын хавсралт

**ШҮҮХИЙН ШИНЖИЛГЭЭНИЙ БАЙГУУЛЛАГЫН АЖИЛТНЫ
ДҮРЭМТ ХУВЦАС ХЭРЭГЛЭХ, ЦОЛ ОЛГОХ ЖУРАМ****Нэг. Нийтлэг үндэслэл**

1.1. Шүүхийн шинжилгээний байгууллагын ажилтан дүрэмт хувцас хэрэглэх, тэдгээрт цол олгоход энэхүү журмыг мөрдөнө.

1.2. Шүүхийн шинжилгээний байгууллагын ажилтан цагдаагийн дүрэмт хувцас хэрэглэх, тэдгээрт цагдаагийн цол олгохтой холбоотой энэхүү журмаар нарийвчлан зохицуулаагүй харилцааг Монгол Улсын Ерөнхийлөгчийн 1995 оны 222 дугаар зарлигаар баталсан "Цагдаагийн цол олгох журам" болон цагдаагийн төв байгууллагаас баталсан "Цагдаагийн дүрэмт хувцас өмсөх, хэрэглэх журам"-аар тус тус зохицуулна.

Хоёр. Дүрэмт хувцас хэрэглэх

2.1. Шүүхийн шинжилгээний байгууллагын ажилтан цагдаагийн дүрэмт хувцас хэрэглэнэ. Дүрэмт хувцасны эдэлгээний хугацаа болон



материалын жагсаалтыг "Цагдаагийн ажилтны дүрэмт хувцасны эдэлгээний хугацааны норм батлах тухай" Засгийн газрын 1993 оны 3 дугаар тогтоолыг баримтлан тогтооно.

Гурав. Цол олгох

3.1. Шүүхийн шинжилгээний байгууллагын ажилтанд албан тушаал, алба хаасан хугацаа, ажлын үр дүнг харгалзан цагдаагийн цол олгоно.

3.2. Шүүхийн шинжилгээний байгууллагын ажилтанд цагдаагийн цол олгох хугацааг тооцохдоо сахилгын шийтгэл хүлээн цол буурсан, хасагдсан, ажлаас халагдсан, тахир дутуугийн группэд байсан хугацааг хасаж тооцно.

3.3. Шүүхийн шинжилгээний байгууллагад анх томилогдож байгаа ажилтанд цагдаагийн офицер, ахлагчийн анхны цолыг олгоно.

3.4. Албан тушаалд анх томилогдож байгаа ажилтны албан тушаалын цолны зэрэглэл нь цагдаагийн офицер, ахлагчийн анхны цолоос дээгүүр байвал мэргэшил, ажлын туршлагыг нь харгалзан дараагийн цолыг олгож болно.

3.5. Их, дээд сургууль төгсөөгүй хүнд цагдаагийн офицерын цол олгохгүй.

3.6. Шүүхийн шинжилгээний байгууллагын офицерын албан тушаалд ажиллаж байгаа ажилтанд цолны зэрэглэлийг дараахь байдлаар олгоно:

3.6.1. Цагдаагийн хурандаа цолыг шүүхийн шинжилгээний төв байгууллагын дарга, дэд дарга, хэлтэс, аймаг, нийслэлийн шүүхийн шинжилгээний албаны даргад;

3.6.2. Цагдаагийн дэд хурандаа цолыг тасгийн дарга, хэлтсийн болон албаны дэд дарга, сектор, лабораторийн эрхлэгч, мэргэшсэн шинжээч, чиглэлийн ахлах мэргэжилтэн, ерөнхий нягтлан бодогчид;

3.6.3. Цагдаагийн хошууч цолыг багийн ахлагч, ахлах шинжээч, ахлах мэргэжилтэн, ахлах нягтлан бодогчид;

3.6.4. Цагдаагийн ахмад цолыг офицерын албан тушаалд томилогдсон шинжээч, бусад ажилтанд.

3.7. Шүүхийн шинжилгээний байгууллагын ажилтанд цагдаагийн офицерын цолыг шүүхийн шинжилгээний төв байгууллагын санал,



тодорхойлолтыг үндэслэн цагдаагийн төв байгууллагын даргын тушаалаар олгоно.

3.8. Ахлагчийн цолыг шүүхийн шинжилгээний төв байгууллагын даргын тушаалаар олгоно.

3.9. Шүүхийн шинжилгээний байгууллагын ажилтанд дор дурдсан тохиолдолд хугацаанаас өмнө цагдаагийн цол олгож болно:

3.9.1. гэмт хэрэгтэй тэмцэх, илрүүлэх ажилд мэргэжлийн өндөр үр чадвар гаргаж ажилласан;

3.9.2. Шүүхийн шинжилгээ, судалгааны ажилд амжилт гаргасан;

3.9.3. шүүхийн шинжилгээний байгууллагын ажилд чухал ач холбогдолтой бүтээлч санаачилга гаргаж хэрэгжүүлсэн;

3.9.4. Гэнэтийн осол, байгалийн гамшгаас хүний амь нас, иргэн, хуулийн этгээдийн их хэмжээний өмч хөрөнгө авран хамгаалсан.

Дөрөв. Цол олгохыг хойшлуулах, цолыг бууруулах, хасах, хураах

4.1. Шүүхийн шинжилгээний байгууллагын офицер, ахлагчийн ээлжит цолыг дараахь тохиолдолд олгохгүй хойшлуулж болно:

4.1.1. Эрхэлсэн ажлын үр дүн хангалтгүй;

4.1.2. Захиргааны шийтгэл хүлээж захиргааны шийтгэлгүйд тооцогдох хугацаа болоогүй;

4.1.3. Эрүүгийн хэрэг, захиргааны зөрчлийн учир шалгагдаж байгаа.

4.2 Дор дурдсан тохиолдолд шүүхийн шинжилгээний байгууллагын ажилтны цолыг нэг шат бууруулж буюу хасаж болно:

4.2.1. Хууль тогтоомж зөрчсөн, шинжээчийн тангараг, төрийн тусгай албан тушаалд тавих тусгай шаардлага болон ёс зүйн дүрмийг зөрчсөн;

4.2.2. Сахилгын зөрчил гаргасан.

4.3. Ажилтны цолыг бууруулснаас хойш 1 жил өнгөрсний дараа түүний цолыг сэргээн олгож болно.

4.4. Шүүхийн шинжилгээний тухай хуулийн 44.1.5-д заасны дагуу шүүхийн шинжилгээний байгууллагын ажилтныг ажлаас халах тохиолдолд цагдаагийн цолыг хураана.

МОНГОЛ УЛСЫН ЗАСГИЙН ГАЗРЫН ТОГТООЛ

2010 оны 05 дугаар
сарын 26-ны өдөр

Дугаар 127

Улаанбаатар
хот

Жагсаалт батлах тухай

Төрийн болон орон нутгийн өмчийн тухай хуулийн 9 дүгээр зүйлийн 3 дахь заалтыг үндэслэн Монгол Улсын Засгийн газраас ТОГТООХ нь:

1. "Нээлттэй дуудлагын худалдаагаар худалдах үл хөдлөх хөрөнгийн жагсаалт"-ыг 1 дүгээр хавсралт, "Балансаас балансад шилжүүлэх үл хөдлөх хөрөнгийн жагсаалт"-ыг 2 дугаар хавсралт ёсоор тус тус баталсугай.

2. Үл хөдлөх хөрөнгийг худалдах, балансаас балансад шилжүүлэх ажлыг холбогдох хууль тогтоомжийн дагуу зохион байгуулахыг Төрийн өмчийн хороо /Д.Сугар/-нд даалгасугай.

МОНГОЛ УЛСЫН
ЕРӨНХИЙ САЙД

С.БАТБОЛД

МОНГОЛ УЛСЫН САЙД,
ЗАСГИЙН ГАЗРЫН ХЭРЭГ
ЭРХЛЭХ ГАЗРЫН ДАРГА

Ч.ХҮРЭЛБААТАР

Монгол Улсын Засгийн газрын 2010 оны 127
дугаар тогтоолын 1 дүгээр хавсралт

НЭЭЛТТЭЙ ДУУДЛАГЫН ХУДАЛДААГААР ХУДАЛДАХ ҮЛ ХӨДЛӨХ ХӨРӨНГИЙН ЖАГСААЛТ

№	Үл хөдлөх хөрөнгийн нэр	Байршил	Ашиглалтад орсон он	Балансын үнэ /төг/
1	Холбооны салбарын барилга	Баян-Өлгий аймгийн Бугдан сумын төв	1969	8.288.000
2	Холбооны салбарын барилга	Говь-Алтай аймгийн Алтай сум, Бургастайн хилийн боомт /хуучин нэрээр/	2001	3.800.000
3	"Дизельчин амралт"-байр	Өвөрхангай аймгийн Зүүнбаян-Улаан сум, Цэцэгт модны даваа	1980	454.253
4	Холбооны салбарын барилга	Увс аймгийн Хяргас сумын төв	1989	4.350.000



5	Холбооны салбарын барилга	Увс аймгийн Өмноговь сумын төв	1999	812.000
6	PP 206 дахин дамжуулах станцын техникийн барилга	Хэнтий аймгийн Жаргалтхаан сумын төвөөс зүүн урагш 7 км	1985	6.650.000
7	PP 207 дахин дамжуулах станцын техникийн барилга	Хэнтий аймгийн Мөрөн сум, Салбарын уул, сумын төвөөс баруун урагш 25 км	1985	6.650.000
8	PP 208 дахин дамжуулах станцын техникийн барилга (I)	Хэнтий аймгийн Хэрлэн сумын төвөөс баруун хойш 8 км	1985	6.650.000
9	PP 208 дахин дамжуулах станцын техникийн барилга (II)	Хэнтий аймгийн Хэрлэн сумын төвөөс баруун хойш 8 км	1985	6.650.000
10	PP 209 дахин дамжуулах станцын техникийн барилга	Хэнтий аймгийн Баянхутаг сум, Танхын даваа, сумын төвөөс зүүн урагш 50 км	1985	6.650.000
11	PP 210 дахин дамжуулах станцын техникийн барилга	Хэнтий аймгийн Баянхутаг сумын Номтын бригадын төв, Бор хоолой, Хэнтий аймгийн төвөөс зүүн урагш 90 км	1985	6.650.000
12	Холбооны салбарын барилга	Хэнтий аймгийн Баянмөнх сумын төлд	1977	11.580.000
13	PP 208 дахин дамжуулах станцын дизелийн байр	Хэнтий аймгийн Хэрлэн сумын төвөөс баруун хойш 8 км	1985	7.000.000
14	PP 203 дахин дамжуулах станцын техникийн барилга	Төв аймгийн Эрдэнэ сум, Тамган өндөр уул, Багануур салбар	1983	1.300.000



15	PP 204 дахин дамжуулах станцын техникийн барилга	Төв аймгийн Баяндэлгэр сум, Мэлэ хайрхан уул, Багануур салбар	1983	1.300.000
16	PP 205 дахин дамжуулах станцын техникийн барилга	Хэнтий аймгийн Цэнхэрмандал сум, Огсомын даваа, Багануур салбар	1983	1.300.000
17	Соёл, хүмүүжлийн байр	Булган аймгийн Дашинчигэн сумын төвд	1986	516.521
18	Холбооны салбарын барилга	Төв аймгийн Сэргэлэн сумын төвд	1986	390.000
19	Холбооны салбарын барилга	Сонгинохайрхан дүүргийн 21 дүгээр хороо, Партизаны сангийн аж ахуйн төвд /хуучин нэрээр/	1992	18.000.000
Нийт дүн				98.990.774

Засгийн газрын 2010 оны 127 дугаар тогтоолын 2 дугаар хавсралт

БАЛАНСААС БАЛАНСАД ШИЛЖҮҮЛЭХ ҮЛ ХӨДЛӨХ ХӨРӨНГИЙН ЖАГСААЛТ

№	Үл хөдлөх хөрөнгийн нэр	Байршил	Ашиглалтад орсон он	Балансын үнэ /төг/	Эзэмшигч хуулийн этгээд	Шилжүүлэн авах хуулийн этгээд
1	Оюуны дотуур байр, гуанд	Дархан-Уул аймаг, Дархан сум, Техникийн коллежийн хашаанд	1990	2.452.401.000	Дархан дахь Техникийн коллеж	ШШГЕГ-ын харьяа Дархан-Уул аймаг дахь ШШГА
Нийт дүн				2.452.401.000		

**МОНГОЛ УЛСЫН ЗАСГИЙН ГАЗРЫН ТОГТООЛ**2010 оны 05 дугаар
сарын 26-ны өдөр

Дугаар 131

Улаанбаатар
хот**ОЙ ТЭМДЭГЛЭХ ТУХАЙ**

Холбогдох байгууллагуудын саналыг үндэслэн Монгол Улсын Засгийн газраас ТОГТООХ нь:

1. Монгол хүн сансарт ниссэний болон сансрын хамтарсан нислэгийн 30 жилийн ойг 2011 оны 3 дугаар сард тэмдэглэсүгэй.

2. Монгол хүн сансарт ниссэний болон сансрын хамтарсан нислэгийн 30 жилийн ойд бэлтгэх, тэмдэглэн өнгөрүүлэх ажлыг зохион байгуулах комиссын бүрэлдэхүүнийг хавсралт ёсоор баталсугай.

3. Ойд бэлтгэх, тэмдэглэх арга хэмжээний төлөвлөгөөг баталж, зохион байгуулалт сайтай тэмдэглэн өнгөрүүлж дүнг Засгийн газарт танилцуулахыг Батлан хамгаалахын сайд Л.Болдод даалгав.

4. Ойд бэлтгэх, тэмдэглэн өнгөрүүлэх арга хэмжээнд шаардагдах 55.8 (тавин таван сая найман зуун мянган) сая төгрөгийг Батлан хамгаалахын сайдын 2011 оны төсвийн багцад тусган санхүүжүүлэх арга хэмжээ авахыг Батлан хамгаалахын сайд Л.Болд, Сангийн сайд С.Баярцогт нарт даалгасугай.

**МОНГОЛ УЛСЫН
ЕРӨНХИЙ САЙД****С.БАТБОЛД****БОЛОВСРОЛ, СОЁЛ, ШИНЖЛЭХ
УХААНЫ САЙД****Ё.ОТГОНБАЯР**

Монгол Улсын Засгийн газрын 2010 оны 131
дүгээр тогтоолын хавсралт

**МОНГОЛ ХҮН САНСАРТ НИССЭНИЙ БОЛОН САНСРЫН
ХАМТАРСАН НИСЛЭГИЙН 30 ЖИЛИЙН ОЙД БЭЛТГЭХ,
ТЭМДЭГЛЭН ӨНГӨРҮҮЛЭХ АЖЛЫГ ЗОХИОН
БАЙГУУЛАХ КОМИССЫН БҮРЭЛДЭХҮҮН**

Дарга

-Батлан хамгаалахын сайд

Гишүүд:

-Орхон аймгийн Засаг дарга;

-Засгийн газрын Хэрэг эрхлэх газрын дэд дарга;

-Гадаад харилцааны дэд сайд;

- Боловсрол, соёл, шинжлэх ухааны дэд сайд;
- Сангийн дэд сайд;
- Шинжлэх ухааны академийн ерөнхийлөгч;
- Нийслэлийн Засаг даргын Санхүү, эдийн засгийн асуудал хариуцсан орлогч;
- Иргэний нисэхийн ерөнхий газрын дарга;
- Монголын энх тайван, найрамдлын байгууллагуудын холбооны ерөнхийлөгч /гохирогцсоноор/.

Нарийн бичгийн дарга

- Батлан хамгаалах яамны Төрийн захиргааны удирдлагын газрын дарга

МОНГОЛ УЛСЫН ЗАСГИЙН ГАЗРЫН ТОГТООЛ

2010 оны 05 дугаар
сарын 26-ны өдөр

Дугаар 132

Улаанбаатар
хот

Ой тэмдэглэх тухай

Холбогдох байгууллагуудын саналыг үндэслэн Монгол Улсын Засгийн газраас ТОГТООХ нь:

1. Ахмад дайчдын гавьяа зүтгэлийг мөнхжүүлэх, хөрш орнуудын найрсаг харилцаа, хамтын ажиллагаа, ард түмнүүдийн харилцан ойлголцлыг бэхжүүлэх зорилгоор 1945 оны чөлөөлөх дайны түүхт ялалтын 65 жилийн ойг 2010 оны 8 дугаар сард тэмдэглэсүгэй.

2. 1945 оны чөлөөлөх дайны түүхт ялалтын 65 жилийн ойд бэлтгэх, тэмдэглэн өнгөрүүлэх ажлыг зохион байгуулах комиссын бүрэлдэхүүнийг хавсралт ёсоор баталсугай.

3. Ойд бэлтгэх, тэмдэглэх арга хэмжээний төлөвлөгөөг баталж,



зохион байгуулалт сайтай тэмдэглэн өнгөрүүлж дүнг Засгийн газарт танилцуулахыг Батлан хамгаалахын сайд Л.Болдод даалгав.

**МОНГОЛ УЛСЫН
ЕРӨНХИЙ САЙД**

С.БАТБОЛД

**БОЛОВСРОЛ, СОЁЛ, ШИНЖЛЭХ
УХААНЫ САЙД**

Е.ОТГОНБАЯР

**БАТЛАН ХАМГААЛАХЫН
САЙД**

Л.БОЛД

**Монгол Улсын Засгийн газрын 2010 оны 132
дугаар тогтоолын хавсралт**

**1945 ОНЫ ЧӨЛӨӨЛӨХ ДАЙНЫ ЯЛАЛТЫН 65 ЖИЛИЙН
ОЙД БЭЛТГЭХ, ТЭМДЭГЛЭН ӨНГӨРҮҮЛЭХ АЖЛЫГ
ЗОХИОН БАЙГУУЛАХ КОМИССЫН БҮРЭЛДЭХҮҮН**

Дарга

-Батлан хамгаалахын сайд

Гишүүд:

-Дорноговь аймгийн Засаг дарга;

-Сүхбаатар аймгийн Засаг дарга;

-Гадаад харилцааны дэд сайд;

-Боловсрол, соёл, шинжлэх ухааны дэд сайд;

-Сангийн дэд сайд;

-Монгол Улсаас БНХАУ-д суугаа Онц бөгөөд

Бүрэн эрхт Элчин сайд;

-Нийслэлийн Засаг дарга бөгөөд Улаанбаатар хотын захирагч;

-Нийгмийн хамгаалал, хөдөлмөрийн яамны

Бодлогын хэрэгжилтийг зохицуулах газрын дарга;



- Зам, тээвэр, барилга, хот байгуулалтын яамны
Зам, тээврийн бодлогын газрын дарга;
- Зэвсэгт хүчний Жанжин штабын дэд дарга;
- Хил хамгаалах ерөнхий газрын дэд дарга;
- Монголын үндэсний олон нийтийн радио,
телевизийн ерөнхий захирал (тохиролцсоноор);
- Монголын энх тайван, найрамдлын
байгууллагуудын холбооны ерөнхийлөгч;
(тохиролцсоноор).

Нарийн бичгийн дарга

- Батлан хамгаалах яамны Төрийн захиргааны
удирдлагын газрын дарга

МОНГОЛ УЛСЫН ЗАСГИЙН ГАЗРЫН ТОГТООЛ

2010 оны 05 дугаар
сарын 26-ны өдөр

Дугаар 133

Улаанбаатар
хот

Нэрэмжит болгох тухай

Холбогдох байгууллагын саналыг үндэслэн Монгол Улсын Засгийн газраас ТОГТООХ нь:

Нийслэлийн Баянгол дүүргийн герман хэлний гүнзгийрүүлсэн сургалттай ерөнхий боловсролын 38 дугаар сургуулийг Германы алдарт эрдэмтэн Александр фон Хумбольдтын нэрэмжит болгосугай.

**МОНГОЛ УЛСЫН
ЕРӨНХИЙ САЙД**

С.БАТБОЛД

**БОЛОВСРОЛ, СОЁЛ, ШИНЖЛЭХ
УХААНЫ САЙД**

Е.ОТГОНБАЯР


Хаяг:

"Төрийн мэдээлэл" эмхтгэлийн редакци,
Улаанбаатар-12, Төрийн ордон 124 тоот
И-мэйл: turin_medeelal@parliament.mn

Утас: 262420, 329612

Хэвлэлийн хуудас 2.5

Индекс: 14003



Үлсін Ик Журлын Тонгын гозрнн кнвлк хснт ювлк.
Үтс 329487